

Последование богослужений по мирянскому чину

V

Частные богослужebные последования

*Составитель:
диакон Алексей Попов*

Москва
2020

Оглавление

Междочасия	4
Междочасие первого часа	4
Междочасие третьего часа	6
Междочасие шестого часа	8
Междочасие девятого часа	9
Последование ко Святому Причащению	11
Благодарственные молитвы по Святом Причащении	23
Правило от осквернения.....	25
Правило о избавлении от злых помыслов.....	28
Правило во время скорби	30
Правило во время искушений	32
Миссионерские молитвы свт. Николая Сербского.....	35
Молитва о детях	35
Молитва о правителях народов.....	36
Молитва о душевнобольных	36
Молитва о тех, кто не почитает святых.....	37
Молитва о безбожниках (атеистах)	37
Молитва об иудеях.....	38
Молитва о мусульманах	38
Молитва о парсах (зороастрийцах).....	39
Молитва о русском народе	40
Молитва о китайском народе	40
Молитва о японском народе.....	41
Молитвы миссионеров	42
Молитва к Божией Матери об обращении заблудшего, свт. Гавриила Новгородского	42
Молитва прп. Серапиону Кожезерскому об обращении неверующих ближних.....	42

Молитва сщмч. Андроника (Никольского)	42
Молитва о миссионерах прп. Макария (Глухарева)	43
Молитва о заблудших	43
Приложение Часослова	43
Тропари и кондаки двенадцатым и великим праздникам	43
Тропари и кондаки воскресные	48
Общие тропари святым	50
Величания праздникам и святым	56
Библиографический список	59

Междочасия

Междочасия не совершаются в воскресные и праздничные дни, в предпразднства и попразднства, в мясопустную и сыропустную седмицы, Великим постом, на Светлой и Троицкой седмицах. Раньше их служили в монастырях. Сейчас традиция совершения междочасий достаточно редкая.

Междочасие первого часа

С: Молитвами святых Отец наших...

Ч: Аминь. Царю Небесный. Трисвятое. Пресвятая Троице. Отче наш.

С: Молитвами святых Отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды).

Псалом 45

Бог нам Прибежище и Сила, Помощник в скорбех, обретших ны зело. Сего ради не убоимся, внегда смущается земля и прелагаются горы в сердца морская. Возшумеша и смятошася воды их, смятошася горы крепостию Его. Речная устремления веселят град Божий: освятил есть селение Свое Вышний. Бог посреде его, и не подвижится: поможет ему Бог утро заутра. Смятошася языцы, уклонишася царствия: даде глас Свой Вышний, подвижеся земля. Господь сил с нами, Заступник наш Бог Иаковль. Приидите и видите дела Божия, яже положи чудеса на земли: отъемля брани до конец земли, лук сокрушит и сломит оружие, и щиты сожжет огнем. Упразднитесь и разумеите, яко Аз есмь Бог: вознесуся во языцех, вознесуся на земли. Господь сил с нами, Заступник наш Бог Иаковль.

Псалом 91

Благо есть исповедатися Господеви, и пети имени Твоему, Вышний: возвещати заутра милость Твою и истину Твою на всяку ночь, в десятиструнном псалтири с песнию в гуслех. Яко возвеселил мя еси, Господи, в творении Твоем, и в делех руку Твоею возрадуюся. Яко возвеличишася дела Твоя, Господи, зело углубишася помышления Твоя. Муж безумен не познает, и неразумив не разумеет сих. Внегда прозябоша грешницы яко трава, и проникоша вси делающии беззаконие: яко да потребятся в век века. Ты же Вышний во век, Господи. Яко се врази Твои, Господи, яко се врази Твои погибнут, и разыдутся вси делающии беззаконие. И вознесется яко единорога рог мой, и старость моя в елеи мастите. И возре око мое на враги моя, и встающыя на мя лукавнующыя услышит ухо мое. Праведник яко финикс процветет, яко кедр, иже в Ливане, умножится. Насаждени в дому Господни, во дворех Бога нашего процветут, еще умножатся в старости мастите, и благоприемлюще будут. Да возвестят, яко прав Господь Бог наш, и несть неправды в Нем.

Псалом 92

Господь воцарися, в лепоту облечеся: облечеся Господь в силу и препоясася, ибо утверди вселенную, яже не подвижится. Готов Престол Твой оттоле: от века Ты еси. Воздвигоша реки, Господи, воздвигоша реки гласы своя. Возмут реки сотрения своя, от

гласов вод многих. Дивны высоты морския, дивен в высоких Господь. Свидения Твоя уверишася зело, дому Твоему подобает святыня, Господи, в долготу дней.

Слава, и ныне. Трисвятое по Отче наш.

С: Молитвами святых отец наших...

Ч. или Х.: Аминь.

Тропари, глас 6

Помилуй нас, Господи, помилуй нас; / всякаго бо ответа недоумеюще, / сию Ти молитву яко Владыце, грешнии приносим: / помилуй нас.

Слава: Господи, помилуй нас, / на Тя бо уповахом; / не прогневайся на ны зело, / ниже помяни беззаконий наших, / но призри и ныне яко благоутробен, / и избави ны от враг наших; / Ты бо еси Бог наш, / и мы людие Твои, / вси дела руку Твоею, / и имя Твое призываем.

И ныне: Милосердия двери отверзи нам, / благословенная Богородице, / надеющиеся на Тя да не погибнем, / но да избавимся Тобою от бед: / Ты бо еси спасение рода христианскаго.

Ч: Господи, помилуй (40 раз). Слава, и ныне.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Господи, благослови.

С: Молитвами святых отец наших...

Ч: Аминь.

Первая молитва святителя Василия Великого

Боже Вечный, Безначальный и Присносущный Свете, всякия твари Содетелю, милости Источниче, благодати пучино, и человеколюбия неизследимая бездно: просвети на ны свет лица Твоего, Господи, возсияй в сердцах наших умное Солнце правды, и Твоего веселия души наша исполни, и научи нас Твоим поучатися присно и вещати судьбам, и исповедатися Тебе выну, нашему Владыце и Благодетелю. Рук наших дела к Твоей исправи воли, и деяти нам Тебе благоугодная и любезная благопоспеши, да и о нашем недостоинстве прославится Твое Пресвятое Имя, Отца и Сына и Святаго Духа, Единого Божества же и Царства: Емуже подобает всякая слава, честь и поклонение. Аминь.

Вторая молитва святителя Василия Великого

Посылай свет, и идет, возсиявая солнце на праведныя и неправедныя, лукавыя же и благая: творяй утро, и просвещаяй всю вселенную, просвети и наша сердца, Владыко всех: даруй нам в настоящий день благоугодити Тебе, сохраняяй нас от всякаго греха, и всякаго лукаваго деяния, избавляяй нас от всякия стрелы летящия во дни, и от всякия сопротивныя силы, молитвами Всепречистыя Владычицы нашея Богородицы, невещественных Твоих служителей, и пренебесных сил и всех святых, от века Тебе

благоугодивших. Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Х: Слава, и ныне. Господи, помилуй (трижды). Господи, благослови.

С. творит отпуст лицом к народу: Господи Иисусе Христе, Сыне Божий, молитв ради Пречистыя Твоея Матере и всех святых, помилуй и спаси нас, яко Ты еси Благ и Человеколюбец.

Х: Аминь. Господи, помилуй (трижды).

Междочасие третьего часа

С: Молитвами святых Отец наших...

Ч: Аминь. Царю Небесный. Трисвятое. Пресвятая Троице. Отче наш.

С: Молитвами святых Отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды).

Псалом 29

Вознесу Тя, Господи, яко подъял мя еси, и не возвеселил еси врагов моих о мне. Господи Боже мой, воззвах к Тебе, и исцелил мя еси. Господи, возвел еси от ада душу мою, спасл мя еси от низходящих в ров. Пойте Господеви, преподобнии Его, и исповедайте память святыни Его. Яко гнев в ярости Его, и живот в воли Его: вечер водворится плачь, и заутра радость. Аз же рех во обилии моем: не подвижуся во век. Господи, волею Твоею подаждь доброте моей силу. Отвратил же еси лице Твое, и бых смущен. К Тебе, Господи, воззову, и к Богу моему помолюся. Кая польза в крови моей, вегда сходити ми во истление? Еда известя Тебе персть, или возвестит истину Твою? Слыша Господь и помилова мя: Господь бысть Помощник мой. Обратил еси плачь мой в радость мне: растерзал еси вретнице мое, и препоясал мя еси веселием. Яко да воспоеет Тебе слава моя, и не умилюся: Господи Боже мой, во век исповемся Тебе.

Псалом 31

Блажени, ихже оставишася беззакония и ихже прикрывшася греси. Блажен муж, емуже не вменит Господь греха, ниже есть во устех его лесь. Яко умолчах, обещаша кости моя, от еже звати ми весь день. Яко день и ночь отяготе на мне рука Твоя, возвратихся на страсть, егда унзе ми терн. Беззаконие мое познах и греха моего не покрых, рех: исповею на мя беззаконие мое Господеви, и Ты оставил еси нечестие сердца моего. За то помолитися к Тебе всяк преподобный во время благопотребно: обаче в потоке вод многих к нему не приблизатся. Ты еси прибежище мое от скорби обдержаша мя: радости моя, избави мя от обышедших мя. Вразумлю тя и наставлю тя на путь сей, воньже пойдеш, утвержу на тя очи Мои. Не будите яко конь и меск, имже несть разума: броздами и уздою челюсти их востягнеши, не приближающихся к тебе. Многи раны грешному, уповающего же на Господа милость обыдет. Веселитесь о Господе, и радуйтесь, праведнии, и хвалитесь, вси правии сердцем.

Псалом 60

Услыши, Боже, моление мое, вонми молитве моей. От конец земли к Тебе возвах, вегда уны сердце мое, на камень вознесл мя еси, наставил мя еси. Яко был еси упование мое, столп крепости от лица вражия. Вселюся в селении Твоем во веки, покрюся в крове крил Твоих. Яко Ты, Боже, услышал еси молитвы моя, дал еси достояние боящимся имене Твоего. Дни на дни царевы приложиши, лета его до дне рода и рода. Пребудет в век пред Богом, милость и истину Его кто възыщет? Тако воспую имени Твоему во веки, воздати ми молитвы моя день от дне.

Слава, и ныне. Трисвятое по Отче наш.

С: Молитвами святых отец наших...

Ч. или Х.: Аминь.

Тропари, глас 4

Боже отец наших, / творяй присно с нами по Твоей кротости, / не остави милость Твою от нас, / но молитвами их / в мире управи живот наш.

Слава: Мученицы Твои, Господи, / во страданиях своих венцы прияша нетленные от Тебе, Бога нашего: / имуще бо крепость Твою, / мучителей низложиша, / сокрушиша и демонов немощныя дерзости: / тех молитвами / спаси души наша.

И ныне: Стена Неборимая нам христианом еси Богородице Дево, / к Тебе бо прибегающе, невредими пребываем, / и паки согрешающе, имамы Тя Молитвенницу. / Тем благодаряще вопием Ти: / радуйся, Благодатная, Господь с Тобою.

Ч: Господи, помилуй (40 раз). Слава, и ныне.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Господи, благослови.

С: Молитвами святых отец наших...

Ч: Аминь.

Молитва святителя Василия Великого

Господи Боже наш, Твой мир давай человеком, и Пресвятаго Духа дар Твоим учеником и Апостолом низпославый, и сих устне огненными языки разверзый силою Твоею, разверзи и нас, грешных, устне, и научи ны, како подобает, и о нихже тебе есть молиться: управи нашу жизнь, благоотпущное обуреваемых пристанище, и скажи нам путь, вонже пойдем, и дух прав обнови во утробах наших, и Духом Владычним мысли наша утверди посползновение, да на всяк день Духом Твоим Благим к полезному наставляеми, сподобимся творити заповеди Твоя, и Твое присно поминати славное и испытательное пришествие содеянных нами человеки, и не прельщатися тлеющими мира сего красотами, но будущих желати восприятия укрепи сокровищ. Яко благословен еси и хвален от всех святых Твоих, во веки веков. Аминь.

Междочасие шестого часа

Если читается отдельно, то начинаем с обычного начала, «Господи, помилуй» (12 раз), «Слава, и ныне», «Приидите, поклонимся...» и затем положенные псалмы. Если междочасие совершается сразу после Часа шестого, то обычное начало опускаем, читаем с «Приидите, поклонимся...».

Приидите, поклонимся... (трижды)

Псалом 55

Помилуй мя, Боже, яко попра мя человек, весь день боря стужи ми. Попраша мя врази мои весь день, яко мнози борюции мя с высоты. В день не убоюся, аз же уповаю на Тя. О Бозе похвалю словеса моя, на Бога уповах, не убоюся, что сотворит мне плоть? Весь день словес моих гнушахуся, на мя вся помышления их на зло. Вселятся и скрывают, тии пятаю мою сохраняют, якоже потерпеша душу мою. Ни о чесомже отринеша я, гневом люди низведеша. Боже, живот мой возвестих Тебе, положил еси слезы моя пред Тобою, яко и во обетовании Твоем. Да возвратятся врази мои вспять, воньже аще день призову Тя, се познах, яко Бог мой еси Ты. О Бозе похвалю глагол, о Господе похвалю слово. На Бога уповах, не убоюся, что сотворит мне человек? Во мне, Боже, молитвы, яже воздам хвалы Твоя, яко избавил еси душу мою от смерти, очи мои от слез, и нозе мои от поползновения, благоугожду пред Господем во свете живых.

Псалом 56

Помилуй мя, Боже, помилуй мя, яко на Тя упова душа моя, и на сень крилу Твоею надеюся, дондеже преидет беззаконие. Воззову к Богу Вышнему, Богу, благодетельному мне. Посла с Небесе и спасе мя, даде в поношение попирающыя мя, посла Бог милость Свою и истину Свою, и избави душу мою от среды скимнов. Поспах смущен, сынове человечестии, зубы их оружия и стрелы, и язык их меч остр. Вознесися на Небеса, Боже, и по всей земли слава Твоя. Сеть уготоваша ногам моим и слякоша душу мою, ископаша пред лицом моим яму и впадоша в ню. Готово сердце мое, Боже, готово сердце мое, воспою и пою во славе моей. Востани слава моя, востани псалтирю и гусли, встану рано. Исповемся Тебе в людех, Господи, воспою Тебе во языцех, яко возвеличися до Небес милость Твоя, и даже до облак истина Твоя. Вознесися на Небеса, Боже, и по всей земли слава Твоя.

Псалом 69

Боже, в помощь мою вонми, Господи, помощи ми потщися. Да постыдятся и посрамятся ищущии душу мою, да возвратятся вспять и постыдятся хотящии ми злая. Да возвратятся абие стыдящесе глаголющии ми: благоже, благоже. Да возрадуются и возвеселятся о Тебе вси ищущии Тебе, Боже, и да глаголют выну, да возвеличится Господь, любящии спасение Твое: аз же нищ есмь и убог, Боже, помози ми: Помощник мой и Избавитель мой еси Ты, Господи, не закосни.

Слава, и ныне. Трисвятое по Отче наш.

С: Молитвами святых отец наших...

Ч. или Х.: Аминь.

Тропари, глас 1

Спаси, Господи, люди Твоя / и благослови достояние Твое, / победы православным христианом на сопротивных даруя / и Твое сохраняя Крестом Твоим жительство.

Слава: Болезньми святых, имиже о Тебе пострадаша, / умолен буди, Господи, / и вся наша болезни исцели, / Человеколюбче, молимся.

И ныне: Молитвами, Господи, / всех святых и Богородицы, / Твой мир даждь нам, / и помилуй нас, яко Един щедр.

Ч: Господи, помилуй (40 раз). Слава, и ныне.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Господи, благослови.

С: Молитвами святых отец наших...

Ч: Аминь.

Молитва святителя Василия Великого

Боже и Господи сил и всея твари Содетелю, Иже за милосердие безприкладная милости Твоя Единородного Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственных сия и молебных молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердец наших в словеса или помышления лукавствия, но любовь Твоею уязви души наша, да, к Тебе всегда взирающе и еже от Тебе светом наставляеми, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков. Аминь.

Междочасие девятого часа

Если читается отдельно, то начинаем с обычного начала, «Господи, помилуй» (12 раз), «Слава, и ныне», «Приидите, поклонимся...» и затем положенные псалмы. Если междочасие совершается сразу после Часа девятого, то обычное начало опускаем, читаем с «Приидите, поклонимся...».

Псалом 112

Хвалите, отроцы, Господа, хвалите имя Господне. Буди имя Господне благословенно отныне и до века. От восток солнца до запад хвально имя Господне. Высок над всеми языки Господь: над небесы слава Его. Кто яко Господь Бог наш? На высоких живый и на смиренныя призираяй на небеси и на земли, воздвизаяй от земли нища и от гноища возвышаяй убога, посадити его с князи, с князи людей своих, вселяя неплодовь в дом матерь о чадах веселящуюся.

Псалом 137

Исповемся Тебе, Господи, всем сердцем моим, и пред Ангелы воспую Тебе, яко услышал еси вся глаголы уст моих. Поклонюся ко храму святому Твоему и исповемся имени Твоему о милости Твоей и истине Твоей, яко возвеличил еси над всем имя Твое святое. Воньже аще день призову Тя, скоро услыши мя: умножиши мя в души моей силою Твоею. Да исповедятся Тебе, Господи, вси царие земстии, яко услышаша вся глаголы уст Твоих, и да воспоят в путех Господних, яко велия слава Господня, яко Высок Господь, и смиренныя призирает, и высокая издалеча весть. Аще пойду посреде скорби, живиши мя, на гнев враг моих простерл еси руку Твою, и спасе мя десница Твоя. Господь воздаст за мя. Господи, милость Твоя во век, дел руку Твоею не презри.

Псалом 139

Изми мя, Господи, от человека лукава, от мужа неправедна избави мя, иже помыслиша неправду в сердце, весь день ополчаху брани, изостриша язык свой, яко змиин, яд аспидов под устнами их. Сохрани мя, Господи, из руки грешничи, от человек неправедных изми мя, иже помыслиша запяты стопы моя. Скрыша гордии сеть мне, и ужы препяша сеть ногама моима. При стези соблазны положиша ми. Рех Господеву: Бог мой еси Ты, внуши, Господи, глас моления моего. Господи, Господи, сило спасения моего, осенил еси над главою моею в день брани. Не предаждь мене, Господи, от желания моего грешнику: помыслиша на мя, не остави мене, да не когда вознесутся. Глава окружения их, труд устен их покрывает я. Падут на них угля огненная, низложиши я в страстех, и не постоят. Муж язычен не исправится на земли: мужа неправедна злая уловят во истление. Познах, яко сотворит Господь суд нищим и месть убогим. Обаче праведнии исповедятся имени Твоему, и вселятся правии с лицом Твоим.

Слава, и ныне. Трисвятое по Отче наш.

С: Молитвами святых отец наших...

Ч. или Х.: Аминь.

Тропари, глас 8

Просветивый земныя Крестом, / и призывавый в покаяние грешныя, / да не отлучиши мене стада Твоего, Пастырю добрый, / но взыщи мя, Владыко, заблудшаго, / и святому стаду Твоему сопричти, / яко Един Милостив и Человеколюбец.

Слава: Яко разбойник исповедайся вопию Ти, Блаже: / во Царствии Твоем помяни мя, Господи, и с ним мя сочetaй, / волею страдати о нас изволивый.

И ныне: Нас ради Распятаго / приидите вси воспоем, / Того бо виде Мария на древе, и глаголаше: / аще и распятие терпиши, / Ты еси Сын и Бог Мой.

Ч: Господи, помилуй (40 раз). Слава, и ныне.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Господи, благослови.

С: Молитвами святых отец наших...

Ч: Аминь.

Молитва святителя Василия Великого

Владыко Господи, Иисусе Христе, Боже наш, долготерпевый о наших согрешениях и даже до нынешняго часа приведи нас, вонже, на Животворящем Древе вися, благоразумному разбойнику иже в рай путесотворил еси вход и смертью смерть разрушил еси: очисти нас, грешных и недостойных раб Твоих, согрешихом бо и беззаконновахом и несмы достойни возвести очеса наша и воззрети на высоту Небесную, зане оставихом путь правды Твоя и ходихом в волях сердец наших. Но молим Твою безмерную благость: пощади нас, Господи, по множеству милости Твоя, и спаси нас Имене Твоего ради святого, яко исчезоша в суете дние наши, изми нас из руки сопротивнаго, и остави нам грехи наша, и умертви плотское наше мудрование, да, ветхаго отложивше человека, в новаго облечемся и Тебе поживем, нашему Владыце и Благодетелю. И тако, Твоим последующе повелением, в вечный покой достигнем, идеже есть всех веселящихся жилище. Ты бо еси воистинну истинное веселие и радость любящих Тя, Христе Боже наш, и Тебе славу возсылаем со Безначальным Твоим Отцем, и Пресвятым, и Благим, и Животворящим Твоим Духом, ныне, и присно, и во веки веков. Аминь.

Х: Слава, и ныне. Господи, помилуй (трижды). Господи, благослови.

С. творит отпуст лицом к народу: Господи Иисусе Христе, Сыне Божий, молитв ради Пречистыя Твоя Матере и всех святых, помилуй и спаси нас, яко Ты еси Благ и Человеколюбец.

Х: Аминь. Господи, помилуй (трижды).

Последование ко Святому Причащению

С: Молитвами святых Отец наших...

Ч: Аминь. Царю Небесный. Трисвятое. Пресвятая Троице. Отче наш.

С: Молитвами святых Отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды).

Псалом 22

Господь пасет мя, и ничтоже мя лишит. На месте злачне, тамо всели мя: на воде покойне воспита мя. Душу мою обрати, настави мя на стези правды, имене ради Своего. Аще бо и пойду посреде сени смертных, не убоюся зла, яко Ты со мною еси: жезл Твой и палица Твоя, та мя утешиста. Уготовал еси предо мною трапезу, против стужающим мне: умастил еси елеом главу мою, и чаша Твоя упоявающи мя яко державна. И милость Твоя поженет мя вся дни живота моего, и еже вселити ми ся в дом Господень, в долготу дний.

Псалом 23

Господня земля, и исполнение ея, вселенная, и вси живущии на ней. Той на морях основал ю есть, и на реках уготовал ю есть. Кто взыдет на гору Господню; или кто станет на месте святем Его; Неповинен рукама, и чист сердцем, иже не прият всеу душу свою, и не клянется лестью искреннему своему. Сей примет благословение от Господа, и милостыню от Бога Спаса своего. Сей род ищущих Господа, ищущих лице Бога Иаковля. Возмите врата князи ваша, и возмיתесь врата вечная: и внидет Царь славы. Кто есть сей Царь славы; Господь крепок и силен, Господь силен в брани. Возмите врата князи ваша, и возмיתесь врата вечная: и внидет Царь славы. Кто есть сей Царь славы; Господь сил, Той есть Царь славы.

Псалом 115

В веровах, темже возглаголах: аз же смирихся зело. Аз же рех во изступлении моем: всяк человек ложь. Что воздам Господеви о всех, яже воздаде ми? Чашу спасения прииму, и имя Господне призову: молитвы моя Господеви воздам пред всеми людьми Его. Честна пред Господем смерть преподобных Его. О Господи, аз раб Твой, аз раб Твой, и сын рабыни Твоея: растерзал еси узы моя. Тебе пожру жертву хвалы, и во имя Господне призову. Молитвы моя Господеви воздам пред всеми людьми Его. Во дворех дому Господня, посреде Тебе, Иерусалиме.

Слава, и ныне. Аллилуиа, Аллилуиа, Аллилуиа, слава Тебе, Боже (трижды).

Тропари, глас 8

Беззакония моя презри, Господи, от Девы рождейся, / и сердце мое очисти, храм то твоя Пречистому Твоему Телу и Крови, / ниже отрини мене от Твоего лица, / без числа имей велию милость.

Слава: Во причастие святынь Твоих како дерзну недостойный? / Аще бо дерзну к Тебе приступити с достойными, / хитон мя обличает, яко несть вечерний, / и осуждение исходатайствую многогрешной души моей. / Очисти, Господи, скверну души моя, / и спаси мя, яко Человеколюбец.

И ныне: Многая множества моих, Богородице, прегрешений, / к Тебе прибегах, Чистая, спасения требую: / посети немощствующую мою душу, / и моли Сына Твоего и Бога нашего, / дати ми оставление, яже содеях лютых, / Едина Благословенная.

В Великий Четверг вместо данных тропарей поется тропарь Страстного четверга, глас 8:

Егда славнии ученицы / на умовении вечери просвещахуся, / тогда Иуда злочестивый сребролюбием недуговав омрачашеся, / и беззаконным судиям Тебе праведнаго Судию предает. / Виждь, имений рачителю, сих ради удушение употребивша: / бежи несытыя души, / Учителю таковая дерзнувшая. / Иже о всех благий Господи, слава Тебе.

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти

мя; яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих, яко да оправдишися во словесах Твоих, и победиши внегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоя явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Канон, глас 2

Песнь 1

Ирмос: Грядите людие, поим песнь Христу Богу, раздельшему море, и наставльшему люди, яже изведе из работы египетския, яко прославися,

Припев: Сердце чисто созижди во мне, Боже, и дух прав обнови во утробе моей.

Хлеб живота вечнующаго да будет ми Тело Твое Святое, благоутробне Господи, и Честная Кровь, и недуг многообразных исцеление.

Припев: Не отвержи мене от лица Твоего, и Духа Твоего Святого не отыми от мене.

Кровь Твою, Владыко, Пречистое и Тело Твое Пресвятое мене сподоби недостойнаго прияти, ясти же и пити с желанием и верою.

Слава: Осквернен делы безместными окаянный, Твоего Пречистаго Тела и Божественныя Крове достоин есмь, Христе, причащения, егоже мя сподоби.

И ныне: Земле благая, благословенная Богоневесто, клас прозябшая неоранный и спасительный миру, сподоби мя сей ядуща спастися.

Песнь 3

Ирмос: На камени мя веры утвердив, расширил еси уста моя на враги моя. Возвесели бо ся дух мой, внегда пети: несть свят, якоже Бог наш, и несть праведен паче Тебе, Господи.

Припев: Сердце чисто созижди во мне, Боже, и дух прав обнови во утробе моей.

Слезныя ми подаждь, Христе, капли, скверну сердца моего очищающия: яко да благою совестью очищен, верою прихожду и страхом, Владыко, ко причащению Божественных Даров Твоих.

Припев: Не отвержи мене от лица Твоего, и Духа Твоего Святого не отыми от мене.

Во оставление да будет ми прегрешений Пречистое Тело Твое, и Божественная Кровь, Духа же Святого общение, и в жизнь вечную, Человеколюбче, и страстей и скорбей отчуждение.

Слава: Сподобим мя, Господи, Твоего Тела причастится неосужденно, и Крове Твоея Честныя, и славити Твою Благодатьню.

И ныне: Хлеба животнаго Трапеза Пресвятая, свыше милости ради сшедшаго, и миру новый живот дающаго, и мене ныне сподоби недостойнаго, со страхом вкусити сего, и живу быти.

Господи, помилуй (трижды) или ирмос «На камен имя веры утвердив...».

Седален, глас 8

Огнь и свет буди ми, Спасе, приятие Пречистых и Животворящих Твоих Таин, пожигая греховный плевел и просвещая всего ко истинному богословию: не издам бо святыни вражией лести, ни Тебе дам целования лестна, но яко блудница припадаю Ти, и яко разбойник исповедаю Тя, вопию Ти: помяни мя, Господи, во Царствии Твоем.

Песнь 4

Ирмос: Пришел еси от Девы, не ходатай, ни Ангел, но Сам, Господи, воплощься, и спася еси всего мя человека. Тем зову Ти: слава силе Твоей, Господи.

Припев: Сердце чисто созижди во мне, Боже, и дух прав обнови во утробе моей.

Восхотел еси, нас ради воплощься, Многомилостиве, заклан быти яко овча, грех ради человеческих: темже молю Тя, и моя очисти согрешения.

Припев: Не отвержи мене от лица Твоего, и Духа Твоего Святого не отыми от мене.

Исцели души моя язвы, Господи, и всего освяти: и сподоби, Владыко, яко да причащуся тайныя Твоя Божественныя вечери, окаянный.

Слава: Станем убо вси со страхом и трепетом, очи сердечныя горе имуще, и ко Спасу вопиюще: утверди и вразуми нас, Боже щедрый, во страсе Твоем.

И ныне: Умилостиви и мне сущаго от утробы Твоя, Владычице, и соблюди мя нескверна раба Твоего и непорочна, яко да прием умнаго бисера, освящуся.

Песнь 5

Ирмос: Света Подателю и веков Творче, Господи, во свете Твоих повелений настави нас; разве бо Тебе иного бога не знаем.

Припев: Сердце чисто созижди во мне, Боже, и дух прав обнови во утробе моей.

Якоже предрекл еси, Христе, да будет убо худому рабу Твоему, и во мне пребуди, якоже обещался еси: се бо Тело Твое ям Божественное, и пию Кровь Твою.

Припев: Не отвержи мене от лица Твоего, и Духа Твоего Святаго не отыми от мене.

Слове Божий и Боже, угль Тела Твоего да будет мне помраченному в просвещение, и очищение оскверненной души моей Кровь Твоя.

Слава: Преосквернену душу и устне имый нечисте, ныне не смею приблизиться к Тебе, Христе, и прияти Тело Твое: но Ты мя яви достойна.

И ныне: Марие, Мати Божия, благоухания честное селение, Твоими молитвами сосуд мя избранный соделай, яко да освящений причащуся Сына Твоего.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

Припев: Сердце чисто созижди во мне, Боже, и дух прав обнови во утробе моей.

Ум, душу и сердце освяти, Спасе, и тело мое, и сподоби неосужденно, Владыко, к страшным Тайнам приступити.

Припев: Не отвержи мене от лица Твоего, и Духа Твоего Святаго не отыми от мене.

Дабы устранился от страстей, и Твоя благодати имел бы приложение, живота же утверждение, причащением Святых, Христе, Таин Твоих.

Слава: Со страхом и трепетом приступим вси к Божественным Тайнам Христовым, Истое же и Святое Тело Его примем, и Истую и Святую и Честную Его Кровь.

И ныне: Божие, Боже, Слово Святое, всего мя освяти, ныне приходящаго к Божественным Твоим Тайнам, Святыя Матере Твоея мольбами.

Господи, помилуй (трижды) или ирмос «В бездне греховней валяясь...».

Кондак, глас 2

Хлеб, Христе, взяти не презри мя, / Тело Твое, и Божественную Твою ныне Кровь, / Пречистых, Владыко, и страшных Твоих Таин причаститися окаяннаго, / да не будет ми в суд, / да будет же ми в живот вечный // и безсмертный.

Песнь 7

Ирмос: Телу златому премудр्या дети не послужиша, и в пламень сами поидоша, и боги их обругаша, среди пламене возопиша, и ороси их Ангел: услышася уже уст ваших молитва.

Припев: Сердце чисто созижди во мне, Боже, и дух прав обнови во утробе моей.

Источник благих, причащение, Христе, безсмертных Твоих ныне Таинств да будет ми свет, и живот, и безстрастие, и к преспеянию же и умножению добродетели Божественнейшия ходатайственно, едине Блаже, яко да славлю Тя.

Припев: Не отвержи мене от лица Твоего, и Духа Твоего Святаго не отыми от мене.

Да избавлюся от страстей, и врагов, и нужды, и всякия скорби, трепетом и любовью со благоговением, Человеколюбче, приступай ныне к Твоим безсмертным и Божественным Тайнам, и пети Тебе сподоби: благословен еси, Господи, Боже отец наших.

Слава: Душе моя окаянная, душе страстная, ужаснися зрящи Таинства преславная, воздыхающи прослезися, в перси биючи, зовущи же и глаголющи: Боже, очисти мя, якоже блуднаго.

И ныне: Спаса Христа рождающая паче ума, Богоблагодатная, молю Тя ныне, раб Твой, Чистую нечистый: хотящаго мя ныне к пречистым Тайнам приступити, очисти всего от скверны плоти и духа.

Песнь 8

Ирмос: В печь огненную ко отроком еврейским снизшедшаго, и пламень в росу преложшаго Бога, пойте дела яко Господа, и превозносите во вся веки.

Припев: Сердце чисто созижди во мне, Боже, и дух прав обнови во утробе моей.

Небесных, и страшных, и святых Твоих, Христе, ныне Таин, и Божественных Твоя и тайных вечери общника быти и мене сподоби отчаяннаго, Боже, Спасе мой.

Припев: Не отвержи мене от лица Твоего, и Духа Твоего Святаго не отыми от мене.

Под Твое прибежище благоутробие, Блаже, со страхом зову Ти: во мне пребуди, Спасе, и аз, якоже рекл еси, в Тебе; се бо дерзая на милость Твою, ям Тело Твое, и пью Кровь Твою.

Благословим Отца и Сына и Святаго Духа, Господа.

Трепещу, приемля огонь, да не опалюся яко воск и яко трава; оле страшнаго таинства! оле благоутробия Божия! Какое Божественнаго Тела и Крове брание причащаюся, и нетленен сотворяюся?

И ныне: Божественный Хлеб жизни во чреве Твоем, Богомати, истинно испечется, сохранив невредна ложесна Твоя, Непорочная. Темже, яко Питательницу нашу, поем Тя во вся веки.

Песнь 9

Ирмос: Безначальна Родителя Сын, Бог и Господь, воплощся от Девы нам явися, омраченная просветити, собрати расточенная: тем всепетую Богородицу величаем.

Припев: Сердце чисто созижди во мне, Боже, и дух прав обнови во утробе моей.

Христос есть, вкусите и видите: Господь нас ради, по нам бо древле бывый, единою Себе принес, яко приношение Отцу Своему, присно закалается, освящаяй причащающияся.

Припев: Не отвержи мене от лица Твоего, и Духа Твоего Святаго не отыми от мене.

Душею и телом да освящуся, Владыко, да просвещуся, да спасуся, да буду дом Твой причащением священных Таин, живущаго Тя имея в себе со Отцем и Духом, Благодетелю Многомилостиве.

Слава: Якоже огонь да будет ми, и яко свет, Тело Твое и Кровь, Спасе мой, пречестная, опаляя греховное вещество, сжигая же страстей терние, и всего мя просвещая, поклонятися Божеству Твоему.

И ныне: Бог воплотися от чистых кровей Твоих; темже всякий род поет Тя, Владычице, умная же множества славят, яко Тобою яве узреша всеми Владычествующаго, оуществовавшего человечеством.

Х: Достойно есть... *или задостойник праздника.*

Ч: Трисвятое по Отче наш.

С: Молитвами святых отец наших...

Х: Аминь.

Тропари, глас 6

Помилуй нас, Господи, помилуй нас; / всякаго бо ответа недоумеюще, / сию Ти молитву яко Владыце, грешнии приносим: / помилуй нас.

Слава: Господи, помилуй нас, / на Тя бо уповахом; / не прогневайся на ны зело, / ниже помяни беззаконий наших, / но призри и ныне яко благоутробен, / и избави ны от враг наших; / Ты бо еси Бог наш, / и мы людие Твои, / вси дела руку Твоею, / и имя Твое призываем.

И ныне: Милосердия двери отверзи нам, / благословенная Богородице, / надеющиеся на Тя да не погибнем, / но да избавимся Тобою от бед: / Ты бо еси спасение рода христианскаго.

Вместо «Помилуй нас, Господи...» можно петь праздничные тропари в воскресные, двенадцатые и великие праздники, а также в дни памяти особо почитаемых святых.

Ч: Господи, помилуй (40 раз).

Стихи: *Хотя ясти, человеце, Тело Владычне,*

Страхом приступи, да не опалишия: огонь бо есть.

Божественную же тия Кровь ко общению,

Первее примирися тя опечалившим.

Таже дерзая, таинственное брашно яждь.

Прежде причастия страшныя жертвы,

Животворящаго Тела Владычня,

Сим помолися образом со трепетом:

Молитва первая, святителя Василия Великого

Владыко Господи Иисусе Христе, Боже наш, Источниче жизни и бессмертия, всея твари видимыя и невидимыя Содетелю, безначальнаго Отца соприсносушный Сыне и собезначальный, премногия ради благодати в последния дни в плоть оболкийся, и распныйся, и погребыйся за ны неблагодарныя и злонравныя, и Твоею Кровию обновивый растлевшее грехом естество наше, Сам, Безсмертный Царю, прими и мое грешнаго покаяние, и приклони ухо Твое мне, и услыши глаголы моя. Согреших бо, Господи, согреших на небо и пред Тобою, и несмы достоин воззрети на высоту славы Твоея: прогневах бо Твою благодать, Твоя заповеди преступив, и не послушав Твоих повелений. Но Ты, Господи, незлобив сый, долготерпелив же и многомилостив, не предал еси мя погибнути со беззаконными моими, моего всячески ожидая обращения. Ты бо рекл еси, Человеколюбче, пророком Твоим: яко хотением не хошу смерти грешника, но еже обратится и живу быти ему. Не хочещи бо, Владыко, создания Твоею руку погубити, ниже благоволиши о погибели человечестей, но хочещи всем спастися, и в разум истины приити. Темже и аз, аще и недостоин есмь небесе и земли, и сея привременныя жизни, всего себе повинув греху, и сластем поработив, и Твой осквернив образ; но творение и создание Твое быв, не отчаяваю своего спасения окаянный, на Твое же безмерное благоутробие дерзая, прихожду. Прими убо и мене, Человеколюбче Господи, якоже блудницу, яко разбойника, яко мытаря и яко блуднаго, и возми мое тяжкое бремя грехов, грех вземляй мира, и немощи человеческия исцеляяй, труждающихся и обремененных к Себе призываяй и упокоеваяй, не пришедый призвати праведных, но грешных на покаяние. И очисти мя от всякия скверны плоти и духа, и научи мя совершати святыню во страхе Твоем: яко да чистым сведением совести моея, святынь Твоих часть приемля, соединюся святому Телу Твоему и Крови, и имею Тебе во мне живуца и пребывающа, со Отцем, и Святым Твоим Духом. Ей, Господи Иисусе Христе, Боже мой, и да не в суд ми будет причастие пречистых и животворящих Таин Твоих, ниже да немощен буду душею же и телом, от еже недостойне тем причащаться, но даждь ми, даже до конечнаго моего издыхания, неосужденно восприимати часть святынь Твоих, в Духа Святаго общение, в напутие живота вечнаго, и во благоприятен ответ на Страшнем судищи Твоем: яко да и аз со всеми избранными Твоими общник буду нетленных Твоих благ, яже уготовал еси любящим Тя, Господи, в нихже препрославлен еси во веки. Аминь.

Молитва вторая, святителя Иоанна Златоуста

Господи Боже мой, вем, яко несмы достоин, ниже доволен, да под кров внидеши храма души моея, занеже весь пуст и пался есть, и не имаши во мне места достойна еже главу подклонити: но якоже с высоты нас ради смирил еси Себе, смирился и ныне смирению моему; и якоже восприял еси в вертепе и в яслех безсловесных возлещи, сице восприими и в яслех безсловесныя моя души, и во оскверненное мое тело внити. И якоже не неудостоил еси внити, и свечеряти со грешники в дому Симона прокаженнаго, тако изволи внити и в дом смиренныя моя души, прокаженныя и грешныя; и якоже не отринул еси подобную мне блудницу и грешную, пришедшую и прикоснувшуюся Тебе, сице умилосердися и о мне грешнем, приходящем и прикасающем Ти ся; и якоже не возгнушался еси скверных ея уст и нечистых, целующих Тя, ниже моих возгнушайся скверных оных уст и нечистых, ниже мерзких моих и нечистых устен, и сквернаго и нечистейшаго моего языка. Но да будет ми уголь пресвятаго Твоего Тела, и честныя

Твоя Крове, во освящение и просвещение и здравие смиренной моей души и телу, во облегчение тяжестей многих моих согрешений, в соблюдение от всякаго диавольскаго действия, во отгнание и возбранение злаго моего и лукаваго обычая, во умерщвление страстей, в снабдение заповедей Твоих, в приложение Божественныя Твоея благодати, и Твоего Царствия присвоение. Не бо яко презираяй приходу к Тебе, Христе Боже, но яко дерзая на неизреченную Твою благодать, и да не на мнозе удаляяйся общения Твоего, от мысленнаго волка звероуловлен буду. Темже молюся Тебе: яко един сый Свят, Владыко, освяти мою душу и тело, ум и сердце, чревеса и утробы, и всего мя обнови, и вкорени страх Твой во удесех моих, и освящение Твое неотъемлемо от мене сотвори; и буди ми помощник и заступник, окормляя в мире живот мой, сподобляя мя и одесную Тебе предстояния со святыми Твоими, молитвами и молениями Пречистыя Твоея Матере, невестственных Твоих служителей и пречистых сил, и всех святых, от века Тебе благоугодивших. Аминь

Молитва третья, преподобный Симеон Метафраст

Едине чистый и нетленный Господи, за неизреченную милость человеколюбия наше все восприемый смешение, от чистых и девственных кровей паче естества рождшия Тя, Духа Божественнаго нашествием, и благоволением Отца присносущнаго, Христе Иисусе, премудросте Божия, и мире, и сило; Твоим восприятием животворящая и спасительная страдания восприемый, крест, гвоздя, копие, смерть, умертви моя душетленные страсти телесныя. Погребением Твоим адова пленивый царствия, погреби моя благими помыслы лукавая советования, и лукавствия духи разори. Тринежным Твоим и живоносным воскресением падшаго праотца возставивый, возстави мя грехом поползшагося, образы мне покаяния предлагая. Преславным Твоим вознесением плотское обоживый восприятие, и сие десным Отца седением почтый, сподоби мя причастием святых Твоих Таин десную часть спасаемых получитьи. Снятие Утешителя Твоего Духа сосуды честны священныя Твоя ученики соделавый, приятелище и мене покажи Того пришествия. Хотяй паки прийти судити вселенней правдою, благоволи и мне урести Тя на облацех, Судию и Создателя моего, со всеми святыми Твоими: да безконечно славословлю и воспеваю Тя, со безначальным Твоим Отцем, и Пресвятым и Благим и Животворящим Твоим Духом, ныне и присно, и во веки веков. Аминь.

Молитва четвертая, преподобного Иоанна Дамаскина

Владыко Господи Иисусе Христе, Боже наш, едине имеяй власть человеком оставляти грехи, яко благ и Человеколюбец презри моя вся в ведении и не в ведении прегрешения, и сподоби мя неосужденно причаститися Божественных, и преславных, и пречистых, и животворящих Твоих Таин, не в тяжесть, ни в муку, ни в приложение грехов, но во очищение, и освящение, и обручение будущаго Живота и царствия, в стену и помощь, и в возражение сопротивных, во истребление многих моих согрешений. Ты бо еси Бог милости, и щедрот, и человеколюбия, и Тебе славу возсылаем, со Отцем, и Святым Духом, ныне и присно, и во веки веков. Аминь.

Молитва пятая, святитель Василий Великий

Вем, Господи, яко недостойне причащаюся пречистаго Твоего Тела и честныя Твоея Крове, и повинен есмь, и суд себе ям и пию, не разсуждая Тела и Крове Тебе Христа и Бога моего, но на щедроты Твоя дерзая приходу к Тебе рекшему: ядый Мою

плоть, и пияй Мою кровь, во Мне пребывает, и Аз в нем. Умилосердися убо, Господи, и не обличи мя грешнаго, но сотвори со мною по милости Твоей; и да будут ми святая сия во исцеление, и очищение, и просвещение, и сохранение, и спасение, и во освящение души и тела; во отгнание всякаго мечтания, и лукаваго деяния, и действия диавольскаго, мысленне во удесех моих действуемаго, в дерзновение и любовь, яже к Тебе; во исправление жития и утверждение, в возвращение добродетели и совершенства; во исполнение заповедей, в Духа Святаго общение, в напутие живота вечнаго, во ответ благоприятен на Страшнем судищи Твоем: не в суд или во осуждение.

Молитва шестая, преподобного Симеона Нового Богослова

От скверных устен, от мерзкаго сердца, от нечистаго языка, от души осквернены, прими моление, Христе мой, и не презри моих ни словес, ниже образов, ниже безстудия. Дажь ми дерзновенно глаголати, яже хочу, Христе мой, паче же и научи мя, что ми подобает творити и глаголати. Согреших паче блудницы, яже уведе, где обитаеши, миро купивши, прииде дерзостне помазати Твои нозе, Бога моего, Владыки и Христа моего. Якоже ону не отринул еси пришедшую от сердца, ниже мене возгнушайся, Слове: Твои же ми подаждь нозе, и держати и целовати, и струями слезными, яко многоценным миром, сия дерзостно помазати. Омый мя слезами моими, очисти мя ими, Слове. Остави и прегрешения моя, и прощение ми подаждь. Веси зол множество, веси и струпы моя, и язвы зриши моя, но и веру веси, и произволение зриши, и воздыхание слышиши. Не таится Тебе, Боже мой, Творче мой, Избавителю мой, ниже капля слезная, ниже капли часть некая. Несоделанное мое видесте очи Твои, в книзе же Твоей и еще несодеянная написана Тебе суть. Виждь смирение мое, виждь труд мой елик, и грехи вся остави ми, Боже всяческих: да чистым сердцем, притрепетною мыслию, и душею сокрушенною, нескверных Твоих причащуся и пресвятых Таин, имиже оживляется и обожается всяк ядый же и пияй чистым сердцем; Ты бо рекл еси, Владыко мой: всяк ядый Мою Плоть, и пияй Мою Кровь, во Мне убо сей пребывает, в немже и Аз есмь. Истинно слово всяко Владыки и Бога моего: божественных бо причащайся и боготворящих благодатей, не убо есмь един, но с Тобою, Христе мой, Светом трисолнечным, просвещающим мир. Да убо не един пребуду кроме Тебе Живодавца, дыхания моего, живота моего, радования моего, спасения миру. Сего ради к Тебе приступих, якоже зриши, со слезами, и душею сокрушенною избавления моих прегрешений прошу прияти ми, и Твоих живодательных и непорочных Таинств причаститися неосужденно, да пребудеши, якоже рекл еси, со мною треокаянным: да не кроме обрет мя Твоя благодати, прелестник восхитит мя льстивне, и прельстив отведет боготворящих Твоих словес. Сего ради к Тебе припадаю, и тепле вопию Ти: якоже блуднаго приял еси, и блудницу пришедшую, тако прими мя блуднаго и сквернаго, Щедре. Душею сокрушенною, ныне бо к Тебе приходя, вем, Спасе, яко иной, якоже аз, не прегреси Тебе, ниже содея деяния, яже аз содеях. Но сие паки вем, яко не величество прегрешений, ни грехов множество превосходит Бога моего многое долготерпение, и человеколюбие крайнее; но милостию сострастия тепле кающихся, и чистиши, и светлиши, и света твориши причастники, общники Божества Твоего соделоваый независтно, и странное и Ангелом, и человеческим мыслем, беседеши им многожды, якоже другом Твоим истинным. Сия дерзостна творят мя, сия вперяют мя, Христе мой. И дерзая Твоим богатым к нам благодеянием, радуясь вкупе и трепеща, огневи причащаюся трава сый, и странно чудо, орошаем неопально, якоже убо купина древле

неопальне горящи. Ныне благодарною мыслию, благодарным же сердцем, благодарными удесы моими, души и тела моего, покланяюся и величаю, и славословлю Тя, Боже мой, яко благословенна суща, ныне же и во веки.

Молитва седьмая, святителя Иоанна Златоуста

Боже, ослаби, остави, прости ми согрешения моя, елика Ти согреших, аще словом, аще делом, аще помышлением, волею или неволею, разумом или неразумием, вся ми прости яко благ и Человеколюбец, и молитвами Пречистыя Твоея Матере, умных Твоих служителей и святых сил, и всех святых от века Тебе благоугодивших, неосужденно благоволи прияти ми святое и пречистое Твое Тело и честную Кровь, во исцеление души же и тела, и во очищение лукавых моих помышлений. Яко Твое есть царство и сила и слава, со Отцем и Святым Духом, ныне и присно, и во веки веков. Аминь.

Молитва восьмая

Несмь доволен, Владыко Господи, да внидеши под кров души моя; но понеже хочещи Ты, яко Человеколюбец, жити во мне, дерзая приступаю; повелеваеши, да отверзу двери, яже Ты един создал еси, и внидеши со человеколюбием якоже еси, внидеши и просвещаеши помраченный мой помысл. Верую, яко сие сотвориши: не бо блудницу, со слезами пришедшую к Тебе, отгнал еси; ниже мытаря отвергл еси покаявшася; ниже разбойника, познавша Царство Твое, отгнал еси; ниже гонителя покаявшася оставил еси, еже бе: но от покаяния Тебе пришедшия вся, в лице Твоих друзей вчинил еси, Един сый благословенный всегда, ныне и в безконечныя веки. Аминь.

Молитва девятая

Господи Иисусе Христе Боже мой, ослаби, остави, очисти и прости ми грешному, и непотребному, и недостойному рабу Твоему, прегрешения, и согрешения, и грехопадения моя, елика Ти от юности моя, даже до настоящего дне и часа согреших: аще в разуме и в неразумии, аще в словесех или делах, или помышлениях и мыслех, и начинаниях, и всех моих чувствах. И молитвами безсеменно рождшия Тя, Пречистая и Приснодевы Марии, Матере Твоея, единыя непостыдныя надежды и предстательства и спасения моего, сподоби мя неосужденно причаститися пречистых, бессмертных, животворящих и страшных Твоих Таинств, во оставление грехов и в жизнь вечную: во освящение, и просвещение, крепость, исцеление, и здравие души же и тела, и в потребление и всесовершенное погубление лукавых моих помыслов, и помышлений, и предприятий, и ночных мечтаний, темных и лукавых духов; яко Твое есть царство, и сила, и слава, и честь, и поклонение, со Отцем и Святым Твоим Духом, ныне и присно, и во веки веков. Аминь.

Молитва десятая, преподобного Иоанна Дамаскина

Пред дверьми храма Твоего предстою, и лютых помышлений не отступаю; но Ты, Христе Боже, мытаря оправдивый, и хананею помиловавый, и разбойнику рая двери отверзый, отверзи ми утробы человеколюбия Твоего и прими мя приходяща и прикасающася Тебе, яко блудницу, и кровоточивую: ова убо края ризы Твоея коснувшисья, удобь исцеление прият, ова же пречистей Твои нозе удержавши,

разрешение грехов понесе. Аз же, окаянный, все Твое Тело дерзая воспряти, да не опален буду; но прими мя, якоже оныя, и просвети моя душевныя чувства, попаляя моя греховныя вины, молитвами безсеменно Рождшия Тя, и Небесных сил; яко благословен еси во веки веков. Аминь.

Молитва святителя Иоанна Златоуста

Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия самая есть честная Кровь Твоя. Молюся убо Тебе: помилуй мя, и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов, и в жизнь вечную. Аминь.

Вечери Твоя тайныя днесь, Сыне Божий, причастника мя прими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Тропари

Усладил мя еси любовью, Христе, и изменил мя еси Божественным Твоим рачением; но попали огнем невестственным грехи моя, и насытитися еже в Тебе наслаждения сподоби: да ликуя возвеличаю, Блаже, два пришествия Твоя.

Во светлостех Святых Твоих како вниду недостойный? Аще бо дерзну совнити в чертог, одежда мя обличает, яко несть брачна, и связан извержен буду от Ангелов. Очисти, Господи, скверну души моя, и спаси мя, яко Человеколюбец.

Молитва

Владыко Человеколюбче, Господи Иисусе Христе Боже мой, да не в суд ми будут Святая сия, за еже недостойну ми быти: но во очищение и освящение души же и тела, и во обручение будущия жизни и царствия. Мне же, еже прилепятся Богу, благо есть, полагати во Господе упование спасения моего.

Вечери Твоя тайныя днесь, Сыне Божий, причастника мя прими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Х: Честнейшую Херувим и славнейшую без сравнения Серафим, / без исления Бога Слова рождшую, сущую Богородицу Тя величаем.

Слава, и ныне. Господи, помилуй (трижды). Господи, благослови.

С. говорит отпуст лицом к народу: Господи, Иисусе Христе, Сыне Божий, молитв ради Пречистыя Твоя Матере и всех святых, помилуй и спаси нас, яко Ты еси Благ и Человеколюбец.

Х: Аминь. Господи, помилуй (трижды).

Благодарственные молитвы по Святом Причащении

Слава Тебе, Боже. Слава Тебе, Боже. Слава Тебе, Боже.

Молитва первая

Благодарю Тя, Господи Боже мой, яко не отринул мя еси грешнаго, но общника мя быти святынь Твоих сподобил еси. Благодарю Тя, яко мене недостойнаго, причаститися пречистых Твоих и небесных Даров сподобил еси. Но Владыко Человеколюбче, нас ради умерый же и воскресый, и даровавый нам страшная сия и животворящая Таинства, во благодеяние и освящение душ и телес наших, даждь быти сим и мне во исцеление души же и тела, во отгнание всякаго сопротивнаго, в просвещение очию сердца моего, в мир душевных моих сил, в веру непостыдну, в любовь нелицемерну, во исполнение премудрости, в соблюдение заповедей Твоих, в приложение Божественныя Твоя благодати, и Твоего Царствия присвоение, да во святыни Твоей теми сохраняемъ, Твою благодать поминаю всегда, и не ктому себе живу, но Тебе, нашему Владыце и Благодетелю; и тако сего жития изшед о надежди живота вечнаго, в присносущный достигну покой, идеже празднующих глас непрестанный, и безконечная сладость зрящих Твоего лица доброту неизреченную. Ты бо еси истинное желание, и неизреченное веселие любящих Тя, Христе Боже наш, и Тя поет вся тварь во веки. Аминь.

Молитва вторая, святителя Василия Великого

Владыко Христе Боже, Царю веков и Содетелю всех, благодарю Тя о всех, яже ми еси подал благих, и о причащении пречистых и животворящих Твоих Таинств. Молю убо Тя, Блаже и Человеколюбче: сохрани мя под кровом Твоим, и в сени крилу Твоею. И даруй ми чистою совестью, даже до последняго моего издыхания, достойно причащаться Святынь Твоих, во оставление грехов и в жизнь вечную. Ты бо еси Хлеб животный, источник святыни, податель благих, и Тебе славу возсылаем, со Отцем и Святым Духом, ныне и присно, и во веки веков. Аминь.

Молитва третья, святого Симеона Метафраста

Давый пищу мне плоть Твою волею, огонь съй и опаляй недостойныя, да не опалиши мене, Содетелю мой; паче же пройди во уды моя, во вся составы, во утробу, в сердце. Попали терние всех моих прегрешений. Душу очисти, освяти помышления. Составы утверди с костями вкупе. Чувств просвети простую пятерицу. Всего мя спригвозди страху Твоему. Присно покрый, соблюди же, и сохрани мя от всякаго дела и слова душетленнаго. Очисти, и омый, и украси мя: удобри, вразуми, и просвети мя. Покажи мя Твое селение единаго Духа, и не ктому селение греха. Да яко Твоего дому входом причащения, яко огня мене бежит всяк злодей, всяка страсть. Молитвенники Тебе приношу вся святыя, чиноначалия же безплотных, Предтечу Твоего, премудрыя апостолы, к сим же Твою нескверную, чистую Матерь, ихже мольбы, Благоутробне, прими, Христе мой, и сыном света соделай Твоего служителя. Ты бо еси освящение, и Единый наших, Блаже, душ и светлость, и Тебе лепоподобно яко Богу и Владыце славу вси возсылаем на всяк день.

Молитва четвертая

Тело Твое Святое, Господи Иисусе Христе Боже наш, да будет ми в живот вечный, и Кровь Твоя Честная во оставление грехов: буди же ми благодарение сие в радость, здравие и веселие; в страшное же и второе пришествие Твое сподоби мя, грешнаго, стати одесную славы Твоея, молитвами Пречистыя Твоея Матери, и всех святых.

Молитва пятая к Пресвятой Богородице

Пресвятая Владычице Богородице, свете помраченныя моя души, надеждо, покрове, прибежище, утешение, радование мое, благодарю Тя, яко сподобила мя еси недостойнаго, причастника быти Пречистаго Тела, и Честныя Крове Сына Твоего. Но рождшая истинный Свет, просвети моя умныя очи сердца; Яже источник бессмертия рождшая, оживотвори мя умерщвленнаго грехом; Яже милостиваго Бога любоблагоутробная Мати, помилуй мя, и даждь ми умиление, и сокрушение в сердце моем, и смирение в мыслех моих, и воззвание в пленениих помышлений моих; и сподоби мя до последняго издыхания, неосужденно приимати Пречистых Таин освящение во исцеление души же и тела. И подаждь ми слезы покаяния и исповедания, во еже пети и славити Тя во вся дни живота моего, яко благословенна и препрославленна еси во веки. Аминь.

Ныне отпускаеши раба Твоего, Владыко, по глаголу Твоему с миром, яко видеста очи мои спасение Твое, еже еси уготовал пред лицом всех людей, свет во откровение языков и славу людей Твоих Израиля.

Трисвятое по Отче наш.

С: Молитвами святых отец наших...

Ч: Аминь.

Если совершалась Литургия свт. Иоанна Златоуста:

Уст твоих, якоже светлость огня, возсиявши благодать, вселенную просвети; не сребролюбия мирови сокровища сниска, высоту нам смиренномудрия показа, но твоими словесы наказуя, отче Иоанне Златоусте, моли Слова Христа Бога спастися душам нашим.

Слава: От небес приял еси Божественную благодать, и твоими устами вся учиши покланяться в Троице Единому Богу, Иоанне Златоусте всеблаженне, преподобне, достойно хвалим тя: еси бо наставник, яко Божественная являя.

И ныне: Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву и потщися на умоление, предстательствующи присно, Богородице, чтущих Тя.

Если совершалась Литургия свт. Василия Великого:

Во всю землю изыде вещание твое, яко приемшую слово твое, имже боголепно научил еси, естество сущих уяснил еси, человеческия обычаи украсил еси, царское священство, отче преподобне, моли Христа Бога, спаситися душам нашим.

Слава: Явился еси основание непоколебимое Церкви, подавая всем некрадомое господство человеком, запечатлея твоими веленьми, небоявленне Василие преподобне.

И ныне: Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Тя: ускори на молитву и потщися на умоление, предстательствующи присно, Богородице, чтущих Тя.

Если совершалась Литургия Преждеосвященных Даров:

Иже от Бога свыше Божественную благодать восприем, славне Григорие, и Того силою укрепляемъ, евангельски шествовати изволил еси. Отонудуже у Христа возмездие трудов приял еси, всеблаженне: Егоже моли, да спасет души наша.

Слава: Подобоначальник показался еси Начальника пастырем Христа, иноков чреды, отче Григорие, ко ограде небесней наставляя, и оттуду научил еси стадо Христово заповедем Его: ныне же с ними радуешься, и ликуеши в небесных кровех.

И ныне: Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Тя: ускори на молитву и потщися на умоление, предстательствующи присно, Богородице, чтущих Тя.

Господи, помилуй (12 раз). Слава, и ныне.

Честнейшую Херувим и славнейшую без сравнения Серафим, / без истления Бога Слова рождшую, сущую Богородицу Тя величаем.

Господи, благослови.

С: Молитвами святых отец наших...

Ч: Аминь. Господи, помилуй (трижды).

Правило от осквернения

С: Молитвами святых Отец наших...

Ч: Аминь. Царю Небесный. Трисвятое. Пресвятая Троице. Отче наш.

С: Молитвами святых Отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды).

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти

мя; яко беззаконие мое аз знаю, и грех мой предо мною есть выну. Тебе Единому согреших и лукавое пред Тобою сотворих, яко да оправдишися во словесех Твоих, и победиши внегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоя явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Поются или читаются тропари (глас 7):

Пастырю добрый, душу Твою положивый о нас, / сведый сокровенная, содеянная мною, / Едине Блаже, упаси мя разумом заблудшаго, / и исхити мя от волка, Агнче Божий, / и помилуй мя.

Пастырю добрый, душу Твою положивый о нас, / сведый сокровенная, содеянная мною, / Едине Блаже, упаси мя разумом заблудшаго, / и исхити мя от волка, Агнче Божий, / и помилуй мя.

Мглою греховною и сластями житейскими сплетаем / ум окаянныя души моя, страсти различныя раждает, / и в помысл умиления не приходит. / Но ущедри, Спасе, смирение мое, / и даждь ми помысл умиления, / да и аз спасаем прежде конца воззову благоутробию Твоему: / Господи Христе Спасе мой, / отчаяннаго спаси мя и недостойнаго.

Яко впадый в разбойники, и уязвен, / тако и аз впадох во многия грехи, / и уязвена ми есть душа. / К кому прибегну повинный аз: / токмо к Тебе, милосердому душ Врачу: / излей на мя, Боже, великую Твою милость.

Слава: Яко блудный сын, приидох и аз, Щедре: / приими мя, Отче, возвращающаяся, / яко единаго от наемник Твоих, Боже, и помилуй мя.

И ныне: Избави, Богородице, от обдержавших нас грехов: / яко иного упования вернии не имамы, разве Тебе, / и от Тебе рождагося Господа.

Господи, помилуй (40 раз).

Затем восемь поклон с молитвой: Боже, милостив ми буди, и прости мя, блуднаго, за имя Твое Святое.

Молитва первая, святителя Василия Великого

Паки запят бых окаянный умом и лукавым обычаем, работая греху. Паки князь тьмы и страстных сладостей родитель, пленена мя сотвори, и якоже раба смиреннаго,

того хотением, и желанием плотским работати принуждает мя. И что сотворю, Господи мой, и Избавителю, и Заступниче, уповающим на Тя, аще не к Тебе паки возвращуся и постеню, и милости испрошу о содеянных мною; но боюся и трепещу, да не како всегда исповедаяся, и отступити злых обещаюся, и на кийждо час согрешая: и не воздав молитвы моя Тебе Богу моему, долготерпение Твое воздвигну к негодованию. И кто стерпит гнева Твоего, Господи; ведый убо множество щедрот Твоих, и пучину человеколюбия Твоего, паки возвращаю себе на милость Твою, и взываю Ти: еже согреших, прости. Помилуй мя, падшаго, даждь ми руку помощи, в тине сластей погруженному. Не остави, Господи, создание Твое растлится беззаконными моими и грехи моими, но обычным Твоим милосердием и благодатию принуждаем, избави от кала и скверны телесныя и страстных помышлений, оскверняющих всегда душу мою окаянную: се бо, Господи, якоже зриши, несть в ней места чиста, но вся проказися, и все тело объят язва. Сам убо, Человеколюбче, врачу душ и телес, и милости источниче, очисти ту слез моих течением, сих изливая на мя обильно: излей на мя человеколюбие Твое, и даждь ми исцеление и очищение, и исцели сокрушение мое, и не отвори лица Твоего от мене, да не якоже вещь, пояст мя отчаяния огонь, но якоже рекл еси, неложный Боже, яко велия радость бывает на небеси о едином грешнице кающемся, сие сотвори и на мне, грешнем, и не затвори ушью благоутробия Твоего, в молитве покаяния моего, но отверзи их, и яко кадило исправи ту пред Тобою: веси бо немощь естества, Создателю, и удобь поползновение юности, и тяжесть тела, и презираеши грехи, и покаяние приемлещи призывающих Тя истиною. Яко благословися и прославися пречестное и великолепое имя Твое, Отца и Сына и Святаго Духа, ныне и присно и во веки веков. Аминь.

Молитва вторая, святителя Василия Великого

Многомилостиве, нетленне, нескверне, безгрешне Господи, очисти мя, непотребнаго раба Твоего, от всякия скверны плотския и душевныя, и от невнимания и уныния моего прибывшую ми нечистоту, со иними беззаконии моими, и яви мя нескверна, Владыко, за благодать Христа Твоего, и освяти мя нашествием Пресвятаго Твоего Духа: яко да возбнув от мглы нечистых привидений диавольских, и всякия скверны, сподоблюся чистою совестью отверсти скверная моя и нечистая уста, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Молитва третья

Господи Боже наш, Едине Благий и Человеколюбче, Едине Святый и на святых почиваяй, Иже верховному Твоему апостолу Петру явивый видением, ничтоже скверно, или нечисто мнети, от Тебе сотворенных на пищу и в наслаждение человеком, и сосудом Твоим избранным, апостолом Павлом вся чиста чистым заповедавый: Ты Сам, Владыко Пресвятый призыванием страшнаго и пречистаго Твоего имени, и знамением Честнаго и Животворящаго Креста, благослови и очисти мя, раба Твоего (**имя**), оскверншагося от всякаго неприязненнаго духа, от всякаго мечтания и гада ядовитаго, от всякаго беззакония и от всякия лести, от всякаго потвора и от всякия суеты, и от всякаго недуга, и всякия язи, и от всякаго противнаго злодейства диаволя. И ныне, недостойнаго мене, раба Твоего (**имя**), сподоби по Твоему милосердию служити пречистым Твоим Тайнам. И прежде очисти ми душу и тело от всякия скверны, и остави всякое прегрешение,

вольное и невольное, еже согреших во вся дни живота моего, делом, словом и помышлением, во дни и в ночи, и до нынешняго часа. И даждь ми, Господи, служение сие страшное небесных Чинов, и причастие пречистых Твоих Таин, не в суд, ни во осуждение, но в прощение грехов, и в Духа Святаго пришествие, и живот присносущныя радости, егоже уготовал еси истинным Твоим служебником. Сохрани мя, Владыко Всесильне, от всякаго греха и злобы, соблюди нескверна и непорочна от всякия проказы противнаго диавола, и даждь ми, Господи, послужи Тебе в преподобии и правде до последняго дне и часа и скончания моего. Ты бо еси благословляяй и освящяяй всяческая, Христе Боже наш, и Тебе славу возсылаем со Безначальным Твоим Отцем и с Пресвятым и Благим и Животворящим Твоим Духом, ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Слава, и ныне. Господи, помилуй (трижды). Господи, благослови.

Господи Иисусе Христе, Сыне Божий, молитв ради Пречистыя Твоея Матере и всех святых, спаси и помилуй мя, грешнаго, яко Ты еси Благ и Человеколюбец.

Аминь. Господи, помилуй (трижды).

Правило о избавлении от злых помыслов¹

С: Молитвами святых Отец наших...

Ч: Аминь. Царю Небесный. Трисвятое. Пресвятая Троице. Отче наш.

С: Молитвами святых Отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды).

Псалом 3

Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой есё, слава моя и возносяй главу мою. Гласом моим ко Господу воззвах, и услыша мя от горы святыя Своя. Аз уснух и спях, востах, яко Господь заступит мя. Не убоюся от тем людей, окрест нападающих на мя. Воскресни, Господи, спаси мя, Боже мой, яко Ты поразил еси вся враждующыя ми всеу: зубы грешников сокрушил еси. Господне есть спасение, и на людех Твоих благословение Твое.

Х: Господи Иисусе Христе, Сыне Божий, помилуй нас, грешных.

Молитва первая

С: Владыко Господи, Боже мой, Егоже в руках жребий мой, заступи мя по милости Твоей, и не остави мя погибнути со беззаконии моими, ниже воли последовати похотствующия плоти на Дух. Создание Твое есмь, не презри дело руку Твоею, не

¹ См. Правило о избавлении от злых помыслов // Канонник. – М.: Учреждение культуры, искусства, науки и образования «Духовное преображение», 2011. С.39-43

отвратися, ущедря, но не уничижи: не презри мя, Господи, яко немощен есмь. Яко к Тебе прибегах, Покровителю моему Богу, исцели душу мою, яко согреших Тебе. Спаси мя ради Милости Твоея, яко к Тебе отвержен есмь от юности моея: да посрамятся ищущии отринуть от Тебе деяньми нечистыми, помышленьми нелепыми, воспоминаньми неполезными. Отгони от мене всякую скверну, злобы излишество: яко Ты еси един Свят, един Крепкий, един бессмертный, во всех имеяй могущество безприкладное, и Тобою дается всем, яже на диавола и его воинства, крепость. Яко подобает Тебе всякая слава, честь и поклонение, Отцу и Сыну и Святому Духу, ныне и присно, и во веки веков.

Х: Аминь. Господи Иисусе Христе, Сыне Божий, помилуй нас, грешных.

Молитва вторая

С.: Да обратится болезнь твоя на главу твою, и на верх твой хула твоя да снидет, лукавый бесе и нечестный: аз бо Господу Богу моему кланяюся, и того никогдаже похую. Как обо м возможно Сему досадити, или Его похулити, Егоже по вся дни и нощи и часы славословлю, и поклоняюся от всея души моея, и крепости и мысли моея; Но убо славословие мое есть, хула же моя есть, ты узриши, о нихже нань клеветещи, и яко отступник на Бога глаголеши.

Молитва третья²

Запрещает ти, вселукавый душе, диаволе, Господь пришедый в мир Пречистою и Святою Девкою воистину Богородицею на спасение миру нас, грешных. Проклят еси ты и вся неприязненная твоя помышления, яже в нощи и во дни. Заклинаю тя именем Единосущныя и Неразделимыя Троицы, Отца, и Сына, и Святаго Духа, отступи от мене раба Божия (или: рабы Божией, или: от нас, рабов Божиих) (имя или имена), не влагай в сердце мое помыслов неприязненных, но отиди в места пуста и безводная, идеже не присещает Господь. Заклинаю тя, нечистый и богохульный душе, именем Господа нашего Иисуса Христа, не блазнити, не смущати мя хульными помыслы, внегда сотворити ми молитвы моя ко Господу Богу моему, но да будут вся твоя хульная помышления на твою главу в день судный: аз бо Господу Богу моему служу, и Тому единому возсылаю молитву во дни и в нощи, тебе упражняющу, мене же милующу, и укрепляющу, и оставляющу ми за многую его благодать и милость вся прегрешения. Иди за мною, сатано, и проклят буди ты, и вся неприязненная твоя и противная сила, яко благословися и прославися Пречистое имя Отца, и Сына, и Святаго Духа, ныне и присно, и во веки веков.

Х: Аминь. Пресвятая Богородице, спаси нас.

Молитва четвертая, Пресвятой Богородице

Пресвятая Владычице моя Богородице, святыми Твоими и всесильными мольбами отжени от мене, окаяннаго раба Твоего уныние, забвение, неразумие, нерадение и вся скверная, лукавая и хульная помышления, от окаяннаго ми сердца и от помраченнаго ума моего, и погаси пламень страстей моих, яко нищ есмь и окаянен, и

² Читается без какого-либо припева, сразу после окончания второй молитвы.

избави мя от многих лютых воспоминаний и предприятий, и от всех действий злых свобод имя, яко Благословенная еси от всех родов и славится Пречестное имя Твое во веки.

Х: Аминь. Честнейшую Херувим... Слава, и ныне. Господи, помилуй (трижды). Господи, благослови.

С. говорит отпуст лицом к народу: Господи, Иисусе Христе, Сыне Божий, молитв ради Пречистыя Твоея Матере и всех святых, помилуй и спаси нас, яко Ты еси Благ и Человеколюбец.

Х: Аминь. Господи, помилуй (трижды).

Правило во время скорби³

С: Молитвами святых Отец наших...

Ч: Аминь. Царю Небесный. Трисвятое. Пресвятая Троице. Отче наш.

С: Молитвами святых Отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды).

Далее читаются псалмы, указанные прп. Амвросием Оптинским.

Псалом 3

Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу воззвах, и услыша мя от горы святыя Своя. Аз уснух, и спях, востях, яко Господь заступит мя. Не убоюся от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующыя ми всуе: зубы грешников сокрушил еси. Господне есть спасение, и на людех Твоих благословение Твое.

Псалом 53

Боже, во Имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя и крепцыи взыскаша душу мою, и не предложиша Бога пред собою. Се бо Бог помогает ми, и Господь заступник души моей. Отвратит злая врагом моим, истиною Твоею потреби их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя воззре око мое.

Псалом 58

Изми мя от враг моих, Боже, и от востающих на мя избави мя. Избави мя от делающих беззаконие и от муж кровей спаси мя. Яко се уловиша душу мою, нападоша на мя крепцыи, ниже беззаконие мое, ниже грех мой, Господи. Без беззакония текох и исправих, востани в сретение мое и виждь. И Ты, Господи Боже сил, Боже Израилев,

³ См. Молитвы разные // Молитвослов. – СПб., Клин: Издательство свт. Игнатия Брянчанинова, Христианская жизнь, 2014. С.480-482.

вонми посетити вся языки, да не ущедриши вся делающыя беззаконие. Возвратятся на вечер и взалчут, яко пес, и обыдут град. Се тии отвещают усты своими, и меч во устнах их, яко кто слыша? И Ты, Господи, посмеешися им, уничижиши вся языки. Державу мою к Тебе сохраню, яко Ты, Боже, Заступник мой еси. Бог мой, милость Его предварит мя, Бог мой, явит мне на вразех моих. Не убий их, да не когда забудут закон Твой, расточи я силою Твоею и низведи я, Защитниче мой, Господи. Грех уст их, слово устен их, и яти да будут в гордыни своей, и от клятвы и лжи возвестятся в кончине. Во гневе кончины, и не будут и уведят, яко Бог владычествует Иаковом и концы земли. Возвратятся на вечер, и взалчут, яко пес, и обыдут град. Тии разыдутся ясти. Аще ли же не насытятся, и поропщут. Аз же воспою силу Твою и возрадуюся завтра о милости Твоей, яко был еси Заступник мой и Прибежище мое в день скорби моея. Помощник мой еси, Тебе пою: яко Бог Заступник мой еси, Боже мой, милость моя.

Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятесе сердце мое. Помянух дни древния, поучихся во всех делех Твоих, в творениях руку Твоею поучахся. Воздох к Тебе руке мои, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь воньже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моея, яко аз раб Твой есмь.

Псалом 101

Господи, услыши молитву мою, и вопль мой к Тебе да приидет. Не отврати лица Твоего от мене: воньже аще день скорблю, приклони ко мне ухо Твое: воньже аще день призову Тя, скоро услыши мя. Яко исчезоша яко дым дние мои, и кости моя яко сушило сосхошася. Уязвен бых яко трава, и изсше сердце мое, яко забых снести хлеб мой. От гласа въздыхания моего прильпе кость моя плоти моея. Уподобихся неясоти пустынной, бых яко ночный вран на нырищи. Бдех и бых яко птица особящаяся на зде. Весь день поношаху ми врази мои, и хвалящии мя мною кленяхуся. Зане пепел яко хлеб ядах, и питие мое с плачем растворях. От лица гнева Твоего и ярости Твоея: яко вознес низвергл мя еси. Дние мои яко сень уклонишася, и аз яко сено изсхох. Ты же, Господи, во век пребываеши, и память Твоя в род и род. Ты воскрес ущедриши Сиона, яко время ущедрити его, яко прииде время. Яко благоволиша раби Твои камение его, и персть его ущедрят. И убоятся языцы имене Господня, и вси царие земстии славы Твоея. Яко созиждет Господь Сиона, и явится во славе Своей. Призре на молитву смиренных, и не уничижи моления их. Да напишется сие в род ин, и людие зиждемии восхвалят Господа. Яко приниче с высоты святыя Своя, Господь с Небесе на землю призре, услышати въздыхание окованных, разрешити сыны умерщвленных, возвестити в Сионе Имя Господне, и хвалу Его во Иерусалиме: внегда собратися людем вкупе, и царем, еже

работати Господеви. Отвеща ему на пути крепости его: умаление дней моих возвести ми. Не возведи мене в преполовение дней моих: в роде родов лета Твоя. В началех Ты, Господи, землю основал еси, и дела руку Твоею суть Небеса. Та погибнут, Ты же пребываеши: и вся, яко риза обетшают, и яко одежду свиешши я и изменятся. Ты же Тойжде еси, и лета твоя не оскудеют. Сынове раб Твоих вселятся, и семя их во век исправится.

Слава, и ныне. Аллилуиа, аллилуиа, аллилуиа, слава Тебе, Боже (трижды).

Молитва первая ко Господу, прп. Симеона Нового Богослова

Не попусти на меня, Владыко Господи, искушение, или скорбь, или болезнь свыше силы моей, но избави от них или даруй мне крепость перенести их с благодарением.

Молитва вторая ко Господу

Господи, Боже правды, крепосте моя, и помощи, и прибежище мое в день злый! Ты спасаеши во время скорби; спаси мя, яко внидоша воды до души моя, углебох в тимении глубины и несть постояния, от лица врага насильствующа, яко погна душу мою, попра в землю жизнь мою, во всю ночь поборя оскорби мя. Благоволи, Господи, еже избавит имя от руки беззаконнующа и обидяща, яко да не согрешу Тебе, зане страх смертный нападе на мя и покры мя тьма. Доколе воззову, Господи, и не услышиш; возопию к Тебе обидимь, и не спасеши? Призри с небесе, Господи, и виждь от дому святаго Твоего и славы Твоея: где есть множество щедрот Твоих, по милости Твоей, яко претерпел еси нас? Господи, суди обидящия мя, не буди яко человек спяй и яко муж, могий спасати. Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков. Аминь.

Молитва третья ко Господу, прп. Никона Оптинского

Слава Тебе, Боже мой, за посланную мне скорбь, достойное по делом моим ныне приемлю. Помяни мя, егда приидеши во Царствии Твоем, и да будет на вся воля Твоя едина, благая и совершенная.

Х: Честнейшую Херувим... Слава, и ныне. Господи, помилуй (трижды). Господи, благослови.

С. говорит отпуст лицом к народу: Господи, Иисусе Христе, Сыне Божий, молитв ради Пречистыя Твоея Матере и всех святых, помилуй и спаси нас, яко Ты еси Благ и Человеколюбец.

Х: Аминь. Господи, помилуй (трижды).

Правило во время искушений⁴

С: Молитвами святых Отец наших...

Ч: Аминь. Царю Небесный. Трисвятое. Пресвятая Троице. Отче наш.

⁴ См. Молитвы разные // Молитвослов. – СПб., Клин: Издательство свт. Игнатия Брянчанинова, Христианская жизнь, 2014. С.480-482.

С: Молитвами святых Отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды).

Далее читаются псалмы, указанные при Амвросием Оптинским.

Псалом 36

Не ревнуй лукавнующим, ниже завиди творящим беззаконие. Зане яко трава скоро изсхнут, яко зелие злака скоро отпадут. Уповай на Господа и твори благостыню, и насели землю, и упасешия в богатстве ея. Насладися Господеви, и даст ти прошения сердца твоего. Открой ко Господу путь твой и уповай на Него, и Той сотворит: и изведет, яко свет, правду твою и судьбу твою, яко полудне. Повинися Господеви и умоли Его. Не ревнуй спеющему в пути своем, человеку, творящему законопреступление. Престани от гнева и остави ярость, не ревнуй еже лукавновати. Зане лукавнующии потребятся, терпящие же Господа, тии наследят землю. И еще мало, и не будет грешника, и възыщеша место его, и не обрящеша. Кротцыи же наследят землю и насладятся о множестве мира. Назирает грешный праведнаго и поскрежещет нань зубы своими. Господь же посмеется ему, зане прозирает, яко приидет день его. Мечь извлекоша грешницы, напрягоша лук свой, низложити убога и нища, заклати правыя сердцем. Мечь их да внидет в сердца их, и луцы их да сокрушатся. Лучше малое праведнику, паче богатства грешных многа. Зане мышцы грешных сокрушатся, утверждает же праведныя Господь. Весть Господь пути непорочных, и достояние их в век будет. Не постыдятся во время лютое, и во днех глада насытятся, яко грешницы погибнут. Врази же Господни, купно прославятся им и вознесятся, исчезающе яко дым исчезоша. Заемлет грешный и не возвратит, праведный же щедрит и дает. Яко благословящие Его наследят землю, кленущии же Его потребятся. От Господа стопы человеку исправляются, и пути его восхошет зело. Егда падет, не разбьется, яко Господь подкрепляет руку его. Юнейший бых, ибо состарехся, и не видех праведника оставлена, ниже семени его просяща хлебы. Весь день милует и взаим дает праведный, и семя его во благословение будет. Уклонися от зла и сотвори благо, и вселися в век века. Яко Господь любит суд и не оставит преподобных Своих, во век сохранятся. Беззаконницы же изженутся, и семя нечестивых потребится. Праведницы же наследят землю и вселятся в век века на ней. Уста праведнаго поучатся премудрости, и язык его возглаголет суд. Закон Бога его в сердце его, и не запнутя стопы его. Смотряет грешный праведнаго и ищет еже умертвити его. Господь же не оставит его в руку его, ниже осудит его, егда судит ему. Потерпи Господа и сохрани путь Его, и вознесет тя, еже наследити землю, внегода потреблятися грешником узриши. Видех нечестиваго превозносящася и высящася, яко кедры Ливанския. И мимо идох, и се не бе, и възысках его, и не обретеса место его. Храни незлобие и виждь правоту, яко есть останок человеку мирну. Беззаконницы же потребятся вкупе: останцы же нечестивых потребятся. Спасение же праведных от Господа, и Защититель их есть во время скорби. И поможет им Господь, и избавит их, и измет их от грешник, и спасет их, яко уповаша на Него.

Псалом 26

Господь просвещение мое и Спаситель мой, кого убоюся? Господь Защититель живота моего, от кого устращуся? Внегода приблизатися на мя злобующим, еже снести

плоти моя, оскорбляющий мя, и врази мои, тии изнемогоша и падоша. Аще ополчится на мя полк, не убоится сердце мое, аще встанет на мя брань, на Него аз уповаю. Едино просих от Господа, то взыщу: еже жити ми в дому Господни вся дни живота моего, зрети ми красоту Господню и посещати храм святыи Его. Яко скры мя в селении Своем в день зол моих, покры мя в тайне селения Своего, на камень вознесе мя. И ныне се вознесе главу мою, на враги моя: обыдох и пожрох в селении Его жертву хваления и воскликновения, пою и воспую Господеви. Услыши, Господи, глас мой, имже возвах: помилуй мя и услыши мя. Тебе рече сердце мое, Господа взыщу. Взыска Тебе лице мое, лица Твоего, Господи, взыщу. Не отврати лица Твоего от мене и не уклонися гневом от раба Твоего: помощник мой буди, не отрини мене, и не остави мене, Боже Спасителю мой. Яко отец мой и мати моя остависта мя, Господь же восприят мя. Законоположи ми, Господи, в пути Твоем и настави мя на стезю правую враг моих ради. Не предаждь мене в души стужающих ми, яко восташа на мя свидетеле неправеднии и солга неправда себе. Верую видети благая Господня на земли живых. Потерпи Господа, мужайся и да крепится сердце твое, и потерпи Господа.

Псалом 90

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словесе мятежна, плещма Своима осенит тя, и под криле Его надеешься: оружием обыдет тя истина Его. Не убоишися от страха ночнаго, от стрелы летящая во дни, от вещи во тме преходящая, от сряща, и беса полуденнаго. Падет от страны твоя тысяща, и тма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на Мя упова, и избавлю и: покрыю и, яко позна имя Мое. Воззовет ко Мне, и услышу его: с ним есмь в скорби, изму его, и прославлю его, долготою дней исполню его, и явлю ему спасение Мое.

Псалом 39

Терпя, потерпех Господа, и внят ми, и услыша молитву мою. И возведе мя от рова страстей, и от брения тины, и постави на камени нозе мои, и исправи стопы моя, и вложи во уста моя песнь нову, пение Богу нашему. Узрят мнози и убоятся, и уповают на Господа. Блажен муж, емуже есть имя Господне упование его, и не призре в суеты и неистовления ложная. Многа сотворил еси Ты, Господи, Боже мой, чудеса Твоя и помышлением Твоим несть кто уподобится Тебе: возвестих и глаголах, умножишася паче числа. Жертвы и приношения не восхотел еси, тело же свершил ми еси, всесожжений и о гресе не взыскал еси. Тогда рех: се прииду, в главизне книжне писано есть о мне: еже сотворити волю Твою, Боже мой, восхотех, и закон Твой посреде чрева моего. Благовестих правду в церкви велицей, се устнам моим не возбраню: Господи, Ты разумел еси. Правду Твою не скрых в сердце моем, истину Твою и спасение Твое рех, не скрых милость Твою и истину Твою от сонма многа. Ты же, Господи, не удали щедрот Твоих от мене: милость Твоя и истина Твоя выну да заступите мя. Яко одержаша мя злая, имже несть числа, постигоша мя беззакония моя, и не возмогох зрети,

умножишася паче влас главы моя, и сердце мое остави мя. Благоволи, Господи, избавити мя: Господи, во еже помощи ми вонми. Да постыдятся и посрамятся вкупе ищущии душу мою изъяти ю, да возвратятся вспять и постыдятся хотящии ми злая. Да примут абие студ свой глаголющии ми: благоже, благоже. Да возрадуются и возвеселятся о Тебе вси ищущии Тебе, Господи, и да рекут выну: да возвеличится Господь, любящии спасение Твое. Аз же нищ есмь и убог, Господь попечется о мне. Помощник мой и Защититель мой еси Ты, Боже мой, не закосни.

Далее читаются три молитвы, указанные в «Правиле во время скорби».

Х: Честнейшую Херувим... Слава, и ныне. Господи, помилуй (трижды). Господи, благослови.

С. говорит отпуст лицом к народу: Господи, Иисусе Христе, Сыне Божий, молитв ради Пречистыя Твоея Матере и всех святых, помилуй и спаси нас, яко Ты еси Благ и Человеколюбец.

Х: Аминь. Господи, помилуй (трижды).

Миссионерские молитвы свт. Николая Сербского⁵

Молитва о детях

Всещедрый Господи Иисусе Христе, Который и Сам был дитём и Который любит и благославляет детей, помилуй и спаси детей нашего времени – дабы некрещёные крестились, а крещёные утвердились в вере в Тебя, вечную Истину, и в любви к Тебе, Кто есть Любовь неизреченная.

Спаси, Господи, тех людей, которых неверующие родители отравляют безбожием и отвращают от Тебя, единственного Спасителя.

Спаси, Всеблагий, и тех детей, которых злые учителя, без Бога и души, отчуждают от Тебя, их Творца, и сродняют их со щенками.

Спаси, Господи, и тех детей, чьи чистые души загрязняет всякая безнравственность на улице и в театре, - спаси их от нечистоты улиц и зрелищ.

Спаси, Всемилостиве, и тех детей, которые, лишившись родителей, попали в руки суровых опекунов, или злых отчима либо мачехи, - спаси их от слышания хульных речей и от видения злых дел.

Спаси, Сыне Божий, сыновей сынов человечески, которых таскают туда и сюда на разные телесные тренировки и занятия, но не дают главного занятия – возрастания в законе Твоём святом, в правильных мыслях, в милосердии и во всех делах добра и правды.

Дабы, по молитвам раба Твоего святого Стилиана, выросли дети века сего и созрели для сыновства Божия и небесного гражданства, на своё вечное спасение, и на Твою славу и благодарение. Аминь.

⁵ См. Николай Сербский, свт. Молитвы миссионера, или Как молиться за неправославных? / пер., сост. и коммент. Ю.В. Максимова. – М.: Православное миссионерское общество имени прп. Серапиона Кожезерского, 2011. С.6-27.

Молитва о правителях народов

Все народы суть Твои словесные стада, Слово Божий. Они – Твоя собственность, и один Ты лучше знаешь, как ими управлять.

Всякий лучше знает, как управлять своим именем, чем чужим. Правители народов земных управляют чужой собственностью, ибо управляют тем, что Твоё.

Вразуми, Господи, правителей народов земных, чтобы правили они по Твоей святой воле;

- чтобы вели народы путём, который Ты указал;

- чтобы отвращали их от того, что есть зло пред лицом Твоим;

- чтобы берегли их со страхом, осознавая как величайшее благо то, что Ты им это доверил. Власть – великое искушение, и мало тех, кто может выдержать его. Выдерживают лишь те, кто сознают, что являются рабами Твоими, стоящими в подножии ног Твоих.

Много людей, злоупотребляющих своей властью над природой. Немало и тех, которые злоупотребляют властью над равными себе.

Немощен всяк человек, Господи, и готов предаться самолюбию и гордыне. А гордыня погубила многих ангелов, не говоря уже о людях.

Ради любви Твоей к народам Твоим, Творче, исполни правителей народных страхом суда Твоего. И ради них и их спасения не прогневайся, Господи, но поддержи их Твоим Духом силы, мудрости и святости. Дабы спасли они свои души, помогая спасению народов Твоих, денно и ночью взирая на Тебя как на Правителя над правителями. По молитвам святого Александра Невского, святого Стефана Дечанского и других праведных слуг Твоих, бывших у власти, смилуйся, Всемилолюбивый, и услыши молитву нашу. Аминь.

Молитва о душевнобольных

Ум вечный и непостижимый, Который в ангелах и людях посеял семена от ума Своего, Который мыслью Своей охватывает весь сотворенный мир и благой мудростью промышляет о всякой твари, услышь молитву нашу о больных умом братьях наших.

Человек без ума не становится ли горстью праха, которую носит туда и сюда, без смысла и без цели, без различения доброго от злого и живого от мёртвого?

Праведен Ты, вышний Боже, и по правде попускаешь на людей муки за их нераскаянные грехи. Но по правде Ты будешь судить на Страшном Суде Своём, а сейчас смилуйся над теми, чьим умственным страданиям больше всего радуются сыны погибели, враждующие против Тебя и людей.

Поскольку каждый год увеличивается число людей, которые хвалятся своим разумом, покрывая Твоё имя презрением, то увеличивается и число тех, кто, лишившись разума, пополняют собой дома умалишённых.

Ты даёшь разум, чтобы люди знали, что разум – от Тебя. Ты забираешь разум, чтобы люди увидели, что разум – Твой. Великий Податель даров, яви милость Свою к обезумевшим, и ради страшной жертвы Сына Твоего на кресте за весь род человеческий верни ум безумным, и через это приведи к покаянию их самих и их родственников. Чтобы больше ценили и берегли предивный дар ума, которым Ты украсил людей и возвысил над всяким другим творением в мире.

По молитвам Пресвятой Богородицы, святого Нифонта и святого Наума, помилуй и спаси, Господи, больных умом братьев наших. Дабы и они Тя славили как

триединый вечный свет, вместе со всяким умным творением на небе и на земле, во веки веков. Аминь.

Молитва о тех, кто не почитает святых⁶

Ты, Господи силы и славы, сидящий на Херувимах и окруженный Серафимам, Опора праведных отцов наших, милостиво вонми и услышь сию молитву нашу.

Молимся Тебе за тех соплеменников и спутников наших, которые отказываются почитать память святых Твоих и которые без страха перед Тобой и без стыда перед православными предками своими всему миру объявляют, что не чтят святых Твоих.

Разве не отвратит Царь лицо свое от того, кто отвращает лицо своё от детей царских? Неужели почитит Царь того, кто не чтит царских чад? Господи, отцы наши прославляли молитвами, милостынями и песнями тех сынов и дочерей Твоих из рода людского, которые совершенно исполнили волю Твою на земле, и которых Ты за это прославил на небе. И угодно Тебе было прославление от отцов наших, и потому святые Твои по Твоей власти и милости были защитниками и помощниками отцам нашим на протяжении веков. Но теперь видишь, Царь святых, как некоторые их потомки отвращаются от вековых защитников и помозников своих, и надеются только на своё ничтожество, подобно безбожным, надеющимся на немощных своих идолов. Отвращаясь от святых Твоих, они отвращаются от Тебя, великий и страшный Боже, и всё это по своей гордости и глупому незнанию.

Ты рек, Христе, первым святым Своим: «принимающий вас Меня принимает» (Мф.10:40). А кто не принимает святых Божиих в свою душу и в свой дом, тот и Бога не принимает.

Но, по молитвам всех святых Твоих, Господи, осени Духом Твоим всех сих, отпавших от святости Твоей и увлечённых духом злобы на путь погибели.

И содейлай, Всесильне, чтобы снова стали милы им святые Твои, как милы были в детстве. Содейлай, чтобы в душах и домах их снова зазвучало славословие славным угодукам Твоим. Дабы всякое почитание святых было во славу Твою, вечный Боже, и на наше спасение во царствии Твоём небесном во веки веков. Аминь.

Молитва о безбожниках (атеистах)

Всякое бытие, Боже, свидетельствует о Твоём бытии яснее, чем часы о часовщике, и город о градостроителях, и песня о певце, и слово о языке и разуме. Ты яснее солнца, Всесильный Господи Боже наш, однако безбожники не знают о Тебе; и ещё горше: в злобе сердца своего они и не хотят знать о Тебе. Зарыли головы свои в землю как страус в песок, и кричат: не видим Его, не знаем Его, нет Его! Я говорил им слова о Тебе, создателе слов и речи, а они смеялись. Я оказывал им милость во имя Твоё, а они сердились. Я напоминал им слова пророка: «вол знает владельца своего» (Ис.1:3), как же вы, люди, не знаете Господа своего? – а они отвечали: нет Господа!

Река, отсечённая от источника, иссыхает. Иссохли сердца безбожников, иссох у них и разум, обезумели. Страх охватил меня, что соседи мои, живущие рядом со мною, потонут в аду.

⁶ Священник Георгий Максимов в сноске под этой молитвой пишет: «Дословно: “о тех, кто отрицает крсну славу” – благочестивый сербский обычай семейных именин в день памяти святого-покровителя рода. Имеются в виду люди нецерковные или либерально настроенные, считающие церковные обычаи устаревшими». Молитва о тех, кто не почитает святых // С.12 (сноска).

О Источнике жизни, скажи мне, слуге Твоему, как такая смерть может свить гнездо в живой душе человеческой?

О вечное Солнце правды и истины, как такой мрак может пасть на разум человеческий, что он не может распознать и понять начинающее и завершающее слово всех существ в мире? Не так ли, Господи, [произошло] это: грех за грехом как нить за нитью, пока не сшилась плотная завеса, которая сокрыла Тебя для них?

Но не допусти, Господи, чтобы царь тьмы полностью завладел созданиями Твоими, возгребил силою Своей и воссиял лучами Своими, чтобы пробудились заснувшие и опьянённые адом! Соделай то, что только Ты знаешь и можешь, чтобы покалялись соседи мои, несчастнейшие из всех творений Твоих

Ибо прекрасны будут соседи мои, когда покаются и познают Тебя по молитвам слуги Твоего святого Моисея Мурина, когда, как блудные сыны, от общества свиней обратятся к обществу ангелов.

О, сколь звучна и стройна будет песнь славе Твоей, когда все покаявшиеся сыны Твои воспоют её вместе с верующими [на земле] и воинством ангелов на небе, которое день и ночь славит и величает Отца, Сына и Святого Духа, единого живого Бога. Аминь.

Молитва об иудеях

Боже, Ты осуществляешь всё, что в Себе помыслишь или изречёшь, Ты осуществил угрозу иудеям, и по слову Твоему оставил их дом пустым, а их [самих] рассеял по всем народам земным. Ибо отцы их, как злые виноградари, избili пророков Твоих, распяли на кресте Сына Твоего едиnorodного, побивали камнями апостолов, и горькой смертью умертвили многих святых и праведных.

И доныне они, как сыны противления, ходят по свету, словно [движимые] хлыстом проклятия, противясь Евангелию Мессии и Спасителя мира, – всё, как предсказал о них Твой великий апостол Павел.

Своим противлением Истине они служат укреплению ревности у верных Твоих, Христе, что им [самим] еще не дано увидеть. Но, Господи, исполни ныне слово апостола Твоего, Который прорек, что в последние времена спадет пелена с глаз Израиля и ты отворишь нечестие от Иакова (см.: Рим. 11:25).

Не пришло ли время, когда Ты скинешь покров с очей сынов Израилевых, и те прозрят и станут, видеть как должно, и познают Тебя как Света светов и Судию праведного?

Вспомяни, Господи, праведность тех отцов их, которые были верны Тебе, провидя духом пришествие Твое и умирая с надеждой увидеть лик Твой!

По молитвам святых Твоих пророков и праведников ветхозаветных ускори, Господи, просвещение и обращение народа Иаковлева, дабы и сей народ, сдружившись с крещёными народами, прославил Тебя, единого истинного Мессию и Спасителя мира, воскресшего и воскресающего мёртвых, со Отцем и Духом Твоим Святым, во веки веков. Аминь.

Молитва о мусульманах

Един Ты еси Боже, и нет другого Бога, кроме Тебя. Так говорим мы, христиане, так говорят и мусульмане.

Но мусульмане дошли до полпути и закрыли врата перед собою. Закрыли врата перед святой истиной, что Ты, Боже, троичен в единстве Твоего духовного бытия. И

закрыли врата перед свидетельством о Твоём посещении мира через воплощённую Премудрость Твою, как и перед свидетельством о любви Твоей к людям, показанной на кресте.

Насколько месяц высок над землёй, настолько ислам выше идолопоклонства. Но месяц не имеет света в себе, а светит отражённым светом солнца, так и ислам, в том, что имеет светлого [в себе], заимствовал от истины, явленной миру Сыном Твоим Иисусом Христом.

Ты хотел, Боже, по благодати Своей, чтобы человек был не раб, а сын Тебе, и чтобы он как сын учился божественным тайнам, – бытия Твоего и любви Твоей. Исламский «пророк» превратил рабов каменных идолов в рабов единого Бога, а Сын Твой Иисус соделал рабов сынами Твоими.

Трисветлый Боже наш, смилуйся над всеми народами магометанскими, ибо и они верят в милость Твою. Довольно жили они как рабы перед Тобой, соделай ныне их сынами Твоими.

Подвигни их Духом Твоим Святым, да познают и узрят во Христе Спасителя своего. Отвори врата, закрытые на полпути, да увидят небо, отверстое Христом и на небе Отца своего небесного.

Дабы многие миллионы душ мусульманских со многими миллионами душ христианских соединились в мысли о Тебе, в любви к Тебе и в прославлении Тебя, единого живого Бога в троичном свете, по молитвам всех святых, которые [от древних времён и] донныне перешли из ислама в христианство, и которые Тебя сейчас славят на небесах в хоре Твоих ангелов и святых. Аминь.

Молитва о парсах (зороастрийцах)

Господи, Ты – Солнце правды, Ты – огонь поядающий, Ты – вечный умный свет и облачён во свет как в ризу. Ты – свет, который не опалает и не гаснет, в котором нет изменения, и Ты – Отец верного истинного света.

Но, Господи Светодавче, потомки светоносного Адама пали во мрак и помрачились очами, так что не могут видеть дальше сотворённого солнца и природного огня. И, поскольку не узрели Тебя, Творца огня, начали называть тварный огонь своим богом.

Огонь в этом не виноват. Огонь и не знает, что некие люди его обожествляют. Огонь не видит своих поклонников, и не слышит их молитвы. Огонь не знает о том, что он тварен, и тем более о том, что он [будто бы] творец. Не знает ни когда его зажгут, ни когда его погасят. Он ничего не знает, не видит, не слышит, не ощущает, не мыслит. И, однако же, парсы поклоняются ему как богу; разумные люди считают огонь разумнее себя!

И Ты, Всевидящий и Долготерпеливый, видишь это на протяжении веков!

Положи конец такому унижению потомков Адамовых, братьев наших по Адаму. Ты, Христе, спасший Адама из ада, поспеши и спаси его потомков-огнепоклонников, пока не сошли они в ад. Дабы парсы познали Тебя Свет света, Свет разума, любви и жизни – по молитвам мученика Твоего свитого Иакова Персиянина. Дабы и они, войдя в семью христианских народов, славили и благодарили Тебя во веки веков. Аминь.

Молитва о русском народе⁷

Всемудрый Боже, Чьи суды непостижимы и пути неисповедимы, милостиво вонми и услышь молитву нашу за Твой русский православный народ.

Тяжкие муки попустил ты на самого верного слугу Твоего, как были попущены муки на первых апостолов Твоих, на пророков и праведников. Весь обнаженный и израненный брошен слуга Твой на гноище, как некогда праведный Иов, чтобы сатана над ним смеялся, а соседи поносили. Тяжка сия мука, а человек слаб; ублажи Господи! Воздвигни слугу Твоего и исцели его раны.

Знаем, Господи Боже наш, что по Своему премудрому промыслу Ты попускаешь страдание на избранных Своих, чтобы они, как золото в огне, очистились огнём страдания от [всего] земного и ярко засияли. Но не допусти, Боже милости и любви, чтобы сатана долго смеялся, а лицемеры долго поносили Твой крестоносный народ русский.

Знаем, что попускаешь беды святейшим душам ради их большей славы, а грешным и подлым – на страх и трепет. Знаем, Христе, что и Твоё славное воскресение произошло после поругания, крестных мук и смерти. Посему мы в свете Твоего страдания смотрим на мрак русского страдания и ожидаем [увидеть] его воскресшую славу.

Как для расслабленного у Вифезды не было человека, который бы ему помог, пока не пришёл Ты, так ныне для великого русского народа во всём мире нет человека, который мог бы помочь ему без Тебя Боже наш и Спасителю наш.

Благой Господь, не откладывай помощь Твою, ибо Ты скор в помощи. Не отложи и не откажи, но подобно милостивому самарянину, повернись к народу русскому, который пострадал от разбойников и весь избит, прости к нему руку, залечи его раны, и верни ему здоровье, силу и славу. Дабы сей наивернейший слуга Твой в будущем еще больше прославил Тебя, чем славил в прошлом – Тебя, Спасителя своего со Отцем и Духом Святым во веки веков. Аминь.

Молитва о китайском народе

Всевидящий Боже, Солнце солнц, Который Своим взором обнимает всё сотворенное на небе и на земле, Ты один знаешь число воинства ангельского, как и число муравьев в песке, птиц в воздухе и рыб в воде – молим Тебя, излей Свою милость на китайский народ, самый многочисленный народ Твой на земле.

Господи, Ты дал народу китайскому великую жизненную мудрость, чтобы знали они, как возделывать землю, вести торговлю, покоряться властям, почитать родителей, заботиться о своём доме и любить во всём порядок.

Но эта мудрость ведёт человека только до гроба, который недалеко отстоит от всякого смертного.

Недостаёт народу китайскому той вечной Твоей Мудрости, Господи, которая воплотилась на земле в Твоём Единородном Сыне, которая ведёт душу за гробом и вводит её в Царствие Небесное.

Творче благий, Любовь беспредельная, разве может Твоя любовь иметь границу, не распространяясь на многие миллионы Твоего великого китайского народа? Нет,

⁷ Священник Георгий Максимов в сноске под данной молитвой пишет: «Молитва была написана в 1930-е годы, когда в России правили коммунисты, гонители веры». Молитва о русском народе // Николай Сербский, свт. Молитвы миссионера, или Как молиться за неправославных? С.22.

нисколько! Но Ты Своим чудесным промыслом определил время, в которое китайский народ придёт и поклонится кресту Христову и примет в себя пречистую кровь Христову и силу Духа Твоего Святого.

Ускори наступление этого времени, Многомилостиве. Помоги миссионерам креста и воскресения в земле китайской. Отвори врата благодати Твоей для Китая вопреки грехам нашим. Дабы и земля желтых людей зазвучала песнями и восклицаниями из бесчисленных уст: «Рождество Твое, Христе Боже наш» и «Христос воскрес из мертвых»! Троица Пресвятая, содейлай так по молитвам всех апостолов и евангелистов. Да будет так. Аминь.

Молитва о японском народе

Вечный Боже и Творче небесных и земных народов, иже всё животворишь Своею волею и всё обнимаешь Своею милостью, отвори душу Твоего японского народа, дабы мог он принять Радостную Весть Сына Твоего и Господа нашего Иисуса Христа.

Народ великий и могучий, народ сильной воли и готовый на жертву, как мало кто из других народов. Почему такой народ остаётся в неведении Истины и через девятнадцать столетий после того, как засияла звезда над Вифлеемом и зазвучала песнь ангельская над яслями Сына Твоего, Возвестителя и Воплотителя вечной и святой Истины?

Япония твоя, Господи, уже знает о существовании духовного мира; знает о духах своих предков; но не знает о Тебе, Который есть Боже духов и всякой плоти. Воздвигают храмы предкам своим, а Тебе, Творцу предков их, не воздвигают святилища. Приносят жертвы твари, а не приносят их Творцу.

Скорбит душа наша, о Христе, что такой народ еще не знает благовестие о Твоём посещении рода человеческого; не знает о жертве Твоей, о любви Твоей и о воскресении Твоём. В земле «восходящего Солнца» Солнце ещё не взошло. Ты, Кто Савла обратил в Павла одним явлением Твоим на пути в Дамаск, обрати землю «восходящего Солнца» в землю взошедшего Солнца чудесною силою Твоею, которая от вечности преизобильна.

Исповедаем и признаём, Господи, что земля Японская ещё не крещена из-за грехов наших. Великие грехи христиан затворяли и затворяют путь великому Твоему народу японскому в царство Твоего света и жизни.

Но по молитвам святых Кирилла и Мефодия поспеши, Христе, и спаси народ японский, для Которого Ты и донныне остаешься неизвестным Промыслителем и Дародателем. Да будет и в японской земле раздаваться всенародное славословие Богу единому, живому, всемогущему, троичному в единстве, во век века. Аминь.

Молитвы миссионеров⁸

Молитва к Божией Матери об обращении заблудшего, свт. Гавриила Новгородского⁹

О, Всемилостивая Госпоже, Дево владычице Богородице, Царица Небесная! Ты рождеством Своим спасла род человеческий от вечного мучительства диавола: ибо от Тебя родился Христос, Спаситель наш. Призри Своим милосердием и на сих **(«сего» или «сию»)** (*имена*), лишенных **(«лишённого» или «лишённую»)** милости Божией и благодати, исходатайствуй Матерним Своим дерзновением и Твоими молитвами у Сына Твоего, Христа Бога нашего, дабы ниспослал благодать Свою свыше на сих **(«сего» или «сию»)** погибающих **(«погибающего» или «погибающую»)**. О, Препоблагословенная! Ты надежда ненадежных, Ты отчаянных спасение, да не порадуется враг о душе его!

Молитва прп. Серапиону Кожеозерскому об обращении неверующих ближних

О предивне и преславне отче наш Серапионе! Зловерие родителей отринув, и любви Христовой поревновавше, подвиги покаяния, труда и воздержания подъял еси, того ради сосуд Божественная благодати явился еси: Отцем прославлен, уневещен Христу, освящен Духом Святым; тем же и мы вопием ти: испроси нам от Господа исправление сердец наших, во еже научиться нам творити волю Бога всевышнего и Царствие Небесное возлюбити паче благ земных, ближния же и сродницы наша по плоти молитвенным твоим предстательством да изведет всемилостивый Господь из тьмы погибельнаго заблуждения, да просветит светом веры истинныя, да сопричтет святой Своей Церкви, да наставит на путь правды, Ему же подобает честь и поклонение Отцу и Сыну и Святому Духу и ныне и присно и во веки веков. Аминь.

Молитва сщмч. Андроника (Никольского)

Господи, размягчи сердца всех людей, наипаче же верующих и веровавших в Тебя; Сам просвети наши мысленные очи сердца, дай нам постигнуть силу Твою, сладость общения с Тобой и высоты молитвы к Тебе; пусть все искренно стараются придти в храм Твой на молитву к Тебе, а кому действительно недосуг, тот пусть хоть дома искренно пожалеет о том, что он не вместе с другими перед Тобою; и так искренно вздохнёт перед Тобой, прося Твоей благодати.

А тех, которые действием сатаны ослабили в вере или даже и отпали, Сам Твоими премудрыми для цели средствами направь их снова к Твоему стаду, вложи силою обстоятельств их жизни в сердце их искреннее раскаяние и дерзновенное, хотя и смиренное, моление пред Тобою с искренним желанием возвратиться к Тебе; Господи, ведь это Твое дело, а мы только слуги Твои, работники недостойные на ниве Твоей. Действуй же Сам через нас, как настоящий владыка сего дела, а нам дай Твою благодать, просвещающую, умудряющую, возбуждающую нас на дело Твоё; всякому нашему делу и слову даруй искренность прежде всего, а потом оплодотвори Твоею благодатью, да

⁸ См. Николай Сербский, свт. Молитвы миссионера, или Как молиться за неправославных? С.28-31.

⁹ В отличие от текста, приведенного в вышеуказанном издании, в данной молитве были добавлены, помимо мужского рода, женский и множественное число для удобства поминовения (прим. – А.П.).

ясна будет всем и верным и неверным Твоя сила, да исповедуют искренно Твое святое имя.

Молитва о миссионерах прп. Макария (Глухарева)

Господи, дай рабам Твоим со всею смелостию говорить Слово Твоё; простирай руку Твою на исцеление и на соделание знамений и чудес Именем Святого Сына Твоего Иисуса.

Молитва о заблудших¹⁰

Господи! Просвети заблудших («заблудшаго» или «заблудшую») (имена), обрати их («его» или «ю») в святую Церковь Твою и спаси их («его» или «ю») всесильною Твоею Благодатию! Нас же в Православии и истинной вере соблюди, яко благословен еси во веки веков. Аминь.

Приложение Часослова

Тропари и кондаки двенадцатым и великим праздникам

Рождество Пресвятой Богородицы

Тропарь, глас 4

Рождество Твое, Богородице Дево, / радость возвести всей вселенной:/ из Тебе бо возсия Солнце правды Христос Бог наш, / и, разрушив клятву, даде благословение, // и, упразднив смерть, дарова нам живот вечный.

Кондак, глас 4

Иоаким и Анна поношения безчадства, / и Адам и Ева от тли смертных свободистася, Пречистая, / во святем рождестве Твоем. / То празднуют и людие Твои, / вины прегрешений избавльшеся, / внемга звати Ти: // неплоды раждает Богородицу и питательницу Жизни нашея.

Воздвижение Креста Господня

Тропарь, глас 1

Спаси, Господи, люди Твоя / и благослови достояние Твое, / победы православным христианом на сопротивных даруя // и Твое сохраняя Крестом Твоим жительство.

Кондак, глас 4

Вознесыйся на Крест волею, / тезоименитому Твоему новому жительству, щедроты Твоя даруй, Христе Боже, / возвесели нас силою Твоею, / победы дая нам на сопостаты, / пособие имущим Твое оружие мира, // непобедимую победу.

Введение во храм Пресвятой Богородицы

¹⁰ Священник Георгий Максимов в сноске под данной молитвой пишет: «Молитва была написана в 1930-е годы, когда в России правили коммунисты, гонители веры». Молитва о русском народе // Николай Сербский, свт. Молитвы миссионера, или Как молиться за неправославных? С.22.

Тропарь, глас 4

Днесь благоволения Божия предображение, / и человек спасения проповедание, / в храме Божии ясно Дева является, / и Христа всем предвозвещает. / Той и мы велегласно возопиим: / радуйся // смотрения Зиждителява исполнение.

Кондак, глас 4

Пречистый Храм Спасов, / многоценный Чертог и Дева, / священное Сокровище славы Божия, / днесь вводится в дом Господень, благодать совводящи, / яже в Дусе Божественном, / Юже воспевают Ангели Божии: // Сия есть селение небесное.

Рождество Господа Бога и Спаса нашего Иисуса Христа

Тропарь, глас 4

Рождество Твое, Христе Боже наш, / возсия миру свет разума: / в нем бо звездам служащий, / звездою учаюся, / Тебе кланяться Солнцу правды, / и Тебе ведети с высоты Востока: // Господи, слава Тебе.

Кондак, глас 3

Дева днесь Пресущественнаго раждает, / и земля вертеп Непреступному приносит, / Ангели с пастырьми славословят, / волсви же со звездою путешествуют: / нас бо ради родися отроча младо, // Превечный Бог.

Крещение Господне

Тропарь, глас 1

Во Иордане крещающуся Тебе, Господи, / троическое явися поклонение, / Родителей бо глас свидетельствоваше Тебе, / возлюбленного Тя Сына именуя, / и Дух во виде голубине, / извествоваше словесе утверждение. / Явлейся Христе Боже, // и мир просвещей, слава Тебе.

Кондак, глас 4

Явился еси днесь вселенней, / и свет Твой, Господи, знаменая на нас, / в разуме поющих Тя: / пришел еси, и явился еси, / свет непреступный.

Сретение Господне

Тропарь, глас 1

Радуйся, Благодатная Богородице Дево, / из Тебе бо возсия Солнце правды, Христос Бог наш, / просвещаяй суция во тьме. / Веселися и ты, старче праведный, / приемый во объятия Свободителя душ наших, // дарующаго нам воскресение.

Кондак, глас 1

Утробу Девичу освятивый рождеством Твоим, / и руце Симеоне благословивый, / якоже подобаше, предварив, / и ныне спасл еси нас Христе Боже, / но умири во бранех жительство, // Едине Человеколюбче.

Благовещение Пресвятой Богородицы

Тропарь, глас 4

Днесь спасения нашего главизна, / и еже от века таинства явление, / Сын Божий, Сын Девы бывает, / и Гавриил благодать благовествует, / тем же и мы с ним Богородице возопиим: / радуйся, Благодатная, // Господь с Тобою.

Кондак, глас 8

Взбранной Воеводе победительная, / яко избавльшися от злых, / благодарственная восписуем Ти раби Твои, Богородице, / но яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

Вход Господень во Иерусалим

Тропарь, глас 1

Общее воскресение / прежде Твоея страсти уверяя, / из мертвых воздвигл еси Лазаря, Христе Боже. / Темже и мы, яко отроцы победы знамения носяще, / Тебе, Победителю смерти, вопием: / осанна в Вышних, // благословен Грядый во имя Господне.

Ин тропарь, глас 4

Спогребшися Тебе крещением, Христе Боже наш, / безсмертныя жизни сподобихомся воскресением Твоим, / и воспевающе зовем: / осанна в Вышних, // благословен Грядый во Имя Господне.

Кондак, глас 6

На престоле на небеси, / на жребяти на земли носимый, Христе Боже, / Ангелов хваление и детей воспевание приял еси зовущих Ти: / благословен еси, // грядый Адама воззвати.

Вознесение Господне

Тропарь, глас 4

Вознеслся еси во славе, Христе Боже наш, / радость сотворивый учеником / обетованием Святаго Духа, / извещенным им бывшим благословением, // яко Ты еси Сын Божий, Избавитель мира.

Кондак, глас 6

Еже о нас исполнив смотрение, / и яже на земли соединив небесным, / вознеслся еси во славе, Христе Боже наш, / никакоже отлучаяся, / но пребывая неотступный, / и вопия любящим Тя: // Аз есмь с вами и никтоже на вы.

День Святой Троицы (Пятидесятница)

Тропарь, глас 8

Благословен еси, Христе Боже наш, / Иже премудры ловцы явлей, / низпослав им Духа Святаго, / и теми уловлей вселенную, // Человеколюбче, слава Тебе.

Кондак, глас 8

Егда снизшед языки слия, / разделяше языки Вышний, / егда же огненные языки раздаяше, / в соединение вся призва; // и согласно славим Всесвятаго Духа.

Преображение Господне

Тропарь, глас 7

Преобразился еси на горе, Христе Боже, / показавый учеником Твоим славу Твою, / якоже можаху: / да возсияет и нам грешным / свет Твой присносущный, / молитвами Богородицы, // Светодавче, слава Тебе.

Кондак, глас 7

На горе преобразился еси, / и якоже вмещаху ученицы Твои / славу Твою, Христе Боже, видеша: / да егда Тя узрят распинаема, / страдание убо уразумеют вольное, / миру же проповедят, // яко Ты еси воистинну Отчее сияние.

Успение Пресвятой Богородицы

Тропарь, глас 1

В рождестве девство сохранила еси, / во успении мира не оставила еси, Богородице: / преставилася еси к животу, / Мати сущи Живота, // и молитвами Твоими избавляеши от смерти души наша.

Кондак, глас 2

В молитвах неусыпающую Богородицу, / и в предстательствах непреложное упование, / гроб и умерщвление не удержаста: / якоже бо Живота Матерь, / к животу престаи, // во утробу Вселивыйся Приснодевственную.

Покров Пресвятой Богородицы

Тропарь, глас 4

Днесь благовернии людие светло празднуем / осеняеми Твоим, Богомати, пришествием, / и к Твоему взирающе Пречистому образу, умильно глаголем: / покрый нас честным Твоим Покровом, / и избави нас от всякаго зла, / молящи Сына Твоего, Христа Бога нашего, // спасти души наша.

Кондак, глас 3

Дева днесь предстоит в церкви, / и с лики святых невидимо за ны молится Богу, / Ангели со архиереи покланяются, / апостоли же со пророки ликовствуют: // нас бо ради молит Богородица Превечнаго Бога.

Обрезание Господне

Тропарь, глас 1

На Престоле огнезрачном / в Вышних седяй со Отцем Безначальным и Божественным Твоим Духом, / благоволил еси родитися на земли / от Отроковицы Неискусомужныя, Твоя Матере, Иисусе, / сего ради и обрезан был еси, яко Человек осмодневный. / Слава всеблагому Твоему совету, / слава смотрению Твоему, / слава снизхождению Твоему, Едине Человеколюбче.

Кондак, глас 3

Всех Господь обрезание терпит / и человеческая прегрешения, яко Благ, обрезует, / дает спасение днесь миру. / Радуется же в Вышних и Создателев иерарх, / и светоносный, Божественный таинник Христов Василий.

Рождество святого славного пророка, Предтечи и Крестителя Господня Иоанна

Тропарь, глас 4

Пророче и Предтече пришествия Христова, / достойно восхвалити тя недоумеем мы, любовию чтущии тя: / неплодство бо рождшия и отчее безгласие разрешися / славным и честным твоим рождеством, / и воплощение Сына Божия миру проповедуется.

Кондак, глас 3

Прежде неплоды днесь Христова Предтечу раждает, / и той есть исполнение всякаго пророчества: / Егоже бо пророцы проповедаша, / на Сего во Иордане руку положив, / явися Божия Слова пророк, проповедник, вкупе и Предтеча.

Святые славные, всехвальные и Первоверховные апостолы Петр и Павел

Тропарь, глас 4

Апостолов первопрестольницы / и вселенныя учителие, / Владыку всех молите / мир вселенней даровати / и душам нашим велию милость.

Кондак, глас 2

Твердыя и Боговещанныя проповедатели, / верх апостолов Твоих, Господи, / приял еси в наслаждение благих Твоих и покой: / болезни бо онех и смерть приял еси паче всякаго всеплодия, / Едине, сведый сердечная.

Усекновение главы святого славного пророка, Предтечи и Крестителя Господня Иоанна

Тропарь, глас 2

Память праведнаго с похвалами, / тебе же довлеет свидетельство Господне, Предтече: / показал бо ся еси воистинну и пророков честнейший, / яко и в струях крестити сподобился еси Проповеданнаго. / Темже за истину пострадав, радуясь, / благовестил еси и сущим во аде Бога, явльшагося плотию, / вземлющаго грех мира / и подающаго нам велию милость.

Кондак, глас 5

Предтечево славное усекновение / смотрение бысть некое Божественное, / да и сущим во аде Спасово проповестъ пришествие. / Да рыдает убо Иродия, / беззаконное убийство испросивши: / не закон бо Божий, ни живой век возлюби, / но притворный, привременный.

Тропари и кондаки воскресные

Глас 1

Тропарь

Камени запечатану от иудей / и воином стрегущим Пречистое Тело Твое, / воскресл еси тридневный, Спасе, / даруй миру жизнь. / Сего ради Силы Небесныя вопияху Ти, Жизнодавче: / слава Воскресению Твоему, Христе, / слава Царствию Твоему, / слава смотрению Твоему, едине Человеколюбче.

Кондак

Воскресл еси яко Бог из гроба во славе, / и мир совоскресил еси; / и естество человеческое яко Бога воспевае Тя, и смерть исчезе; / Адам же ликует, Владыко; / Ева ныне от уз избавляема радуется, зовущи: / Ты еси, Иже всем подая, Христе, воскресение.

Глас 2

Тропарь

Егда снизшел еси к смерти, Животе Безсмертный, / тогда ад умертвил еси блистанием Божества; / егда же и умершия от преисподних воскресил еси, / вся Силы Небесныя зываху: / Жизнодавче, Христе Боже наш, слава Тебе.

Кондак

Воскресл еси от гроба, Всесильне Спасе, / и ад, видев чудо, ужасеся, / и мертвии восташа; / тварь же видящи срадуется Тебе, / и Адам свеселится, / и мир, Спасе мой, воспевае Тя присно.

Глас 3

Тропарь

Да веселятся Небесная, / да радуются земная; / яко сотвори державу / мышцею Своею Господь, / попра смертью смерть, / первенец мертвых бысть; / из чрева адова избави нас, / и подаде миру велию милость.

Кондак

Воскресл еси днесь из гроба, Щедре, / и нас возвел еси от врат смертных; / днесь Адам ликует, и радуется Ева, / вкупе же и пророцы с патриархи воспевают непрестанно / Божественную державу власти Твоя.

Глас 4

Тропарь

Светлую Воскресения проповедь / от Ангела уведевша Господни ученицы / и прадеднее осуждение отвергша, / апостолом хвалящаяся глаголаху: / испровержесе смерть, / воскресе Христос Бог, / даруяй миру велию милость.

Кондак

Спас и Избавитель мой / из гроба, яко Бог, воскреси от уз земнородных, / и врата адова сокруши, / и яко Владыка / воскресе тридневен.

Глас 5

Тропарь

Собезначальное Слово Отцу и Духови, / от Девы рождшееся на спасение наше, / воспоем, вернии, и поклонимся; / яко благоволи плотию взыти на Крест, / и смерть претерпети, / и воскресити умерших / славным Воскресением Своим.

Кондак

Ко аду, Спасе мой, сошел еси, / и врата сокрушивый яко всемогущ, / умерших яко Создатель совоскресил еси, / и смерти жало сокрушил еси, / и Адам от клятвы избавлен бысть, Человеколюбче; / темже вси зовем: / спаси нас, Господи.

Глас 6

Тропарь

Ангельския Силы на гробе Твоем, / и стрегущии омертвеша; / и стояше Мария во гробе, / ищущи Пречистаго Тела Твоего. / Пленил еси ад, не искусився от него; / сретил еси Деву, даруяй живот. / Воскресый из мертвых, Господи, слава Тебе.

Кондак

Живонаначальною дланию / умерших от мрачных удолий / Жизнодавец воскресив всех Христос Бог, / воскресение подаде человеческому роду: / есть бо всех Спаситель, / Воскресение и Живот, и Бог всех.

Глас 7

Тропарь

Разрушил еси Крестом Твоим смерть, / отверзл еси разбойнику рай; / мироносицам плач преложил еси, / и апостолом проповедати повелел еси, / яко воскресл еси, Христе Боже, / даруяй миру / велию милость.

Кондак

Не ктому держава смертная / возможет держати человеки: / Христос бо сниде, сокрушая и разоряя силы ея; / связуем бывает ад, / пророцы согласно радуются, / предста, глаголюще, Спас сущим в вере, / изыдите, вернии, в воскресение.

Глас 8

Тропарь

С высоты снизшел еси, Благоутробне, / погребение приял еси тридневное, / да нас свободиши страстей, / Животе и Воскресение наше, Господи, слава Тебе.

Кондак

Воскрес из гроба, умершия воздвигл еси, / и Адама воскресил еси, / и Ева ликует во Твоем Воскресении, / и мирстии концы торжествуют / еже из мертвых востанием Твоим, Многомилостиве.

Общие тропари святым

Всемилоствому Спасу

Тропарь, глас 8

С вышних призирая, убогия приемля, / посети нас, озлобленныя грехи, Владыко Всемилоствиве, / молитвами Богородицы даруй душам нашим велию милость.

Кондак, глас 6

Всякия скверны, Всемилоствивый Спасе, аз бых делатель / и во отчаяния ров впадся, / но стену от сердца и вопию к Тебе, Слове, / ускори, Щедрый, и потщися на помощь нашу, / яко милостив.

Пресвятой Богородице

Тропарь, глас 4

К Богородице прилежно ныне притецем, / грешнии и смиреннии, и припадем, / в покаянии зовуще из глубины души: / Владычице, помози, на ны милосердовавши, / потщися, погибаем от множества прегрешений, / не отврати Твоя рабы тщи, / Тя бо и едину надежду имамы.

Слава, и ныне, глас той же: Не умолчим никогда, Богородице, / силы Твоя глаголати, недостойнии: / аще бо Ты не бы предстояла молящи, / кто бы нас избавил от толиких бед; / кто же бы сохранил до ныне свободны; / не отступим, Владычице, от Тебе, / Твоя бо рабы спасаеши присно от всяких лютых.

Кондак, глас 6

Предстательство христиан непостыдное, / ходатайство ко Творцу непреложное, / не презри грешных молений гласы, / но предвари, яко Благая, на помощь нас, верно зовущих Ти; / ускори на молитву, и потщися на умоление, / предстательствующи присно, Богородице, чтущих Тя.

Кондак, глас той же

Не имамы иныя помощи, / не имамы иныя надежды, / разве Тебе, Пречистая Дево. / Ты нам помози, / на Тебе надеемся, и Тобою хвалимся, / Твои бо есмы рабы, да не постыдимся.

Пророку

Тропарь, глас 2

Пророка Твоего *(имя)* память, Господи, празднующе, / тем Тя молим: / спаси души наша.

Кондак, глас 4

Просветившееся Духом чистое твое сердце / пророчества бысть светлейшаго приятелище, / зриши бо яко настоящая далече сущая, / сего ради тя почитаем, / пророче блаженне *(имя)*, славне.

Апостолу

Тропарь, глас 3

Апостоле святыи *(имя)*, / моли Милостивого Бога, / да прегрешений оставление / подаст душам нашим.

Кондак, глас 4

Яко звезду пресветлую / Церковь всегда стяжа тя, / апостоле *(имя)*, / чудес Твоих многоподаванием просвещаемы. / Темже зовем Христу: / спаси чтущих верою / память Твоего апостола, Многомилостиве.

Апостолам

Тропарь, глас 3

Апостоли святии, / молитве Милостиваго Бога, / да прегрешений оставление / подаст душам нашим.

Кондак, глас 4

Лозие явистесь Христова винограда, мудрии, / гроздие приносяще в добродетелех, / вино нам спасения источающе, / егоже приемлем, веселия исполняющиеся. / Празднуем честную вашу память, / в нюже молитве дароватися нам велицей милости, и отпущению грехов, / Господни апостоли.

Святителю

Тропарь, глас 4

Правило веры и образ кротости, / воздержания учителя / яви ты стаду твоему / Яже вещей Истина, / сего ради стяжал еси смирением высокая, / нищетою богатая, / отче священноначальниче *(имя)*, / моли Христа Бога, / спастися душам нашим.

Кондак, глас 2

Божественный гром, труба духовная, / веры насадителю и отсекателю ересей, / Троицы угодниче, / великий святителю *(имя)*, / со Ангелы предстоя присно, / моли непрестанно о всех нас.

Святителям

Тропарь, глас 4

Боже отец наших, / творяй присно с нами по Твоей кротости, / не остави милость Твою от нас, / но молитвами их / в мире управи живот наш.

Кондак, глас 8

Яко добродетелей учителя и иерархов украшение, / Церковь поющи вас славит, / молитвами вашими подайте чтущим вас любовь, / добродетелей исправление и соблазнов избавление, / яко непобедимии.

Преподобному

Тропарь, глас 8

В тебе, отче, известно спасеся еже по образу: / приим бо Крест, последовал еси Христу, / и дея учил еси презирати убо плоть, преходит бо, / прилежати же о души, вещи безсмертней, / темже и со Ангелы срадуется, преподобне *(имя)*, дух твой.

Кондак, глас 2

Чистотою душевною божественно вооружився, / и непрестанные молитвы, яко копие, вручив крепко, / пробол еси бесовская ополчения, / *(имя)*, отче наш, / моли непрестанно о всех нас.

Преподобным

Тропарь, глас 4

Боже отец наших, / творяй присно с нами по Твоей кротости, / не остави милость Твою от нас, / но молитвами их / в мире управи живот наш.

Кондак, глас 2

Волнений множество невлажно проходяще, / безплотныя враги струями слез ваших крепко погрузили есте, / богомудрии и преподобнии; / и чудес дар приемше, / молитве непрестанно о всех нас.

Преподобномученику

Тропарь, глас 4

Постнически преподвизався на горе, / умная врагов ополчения / всеоружием Креста погубил еси, всеблаженне, / паки же ко страдальчеству мужески вооружился еси, / убив Копронима мечем веры; / и обоих ради венчался еси от Бога, / преподобномучениче *(имя)*, приснопамятне.

Кондак, глас 2

Яко постника благочестна и искусна, / и страдальца произволением честна, / и пустыни жителя сообразна, / в песнях достойно восхвалим *(имя)* приснохвальнаго, / той бо змия попрал есть.

Преподобной

Тропарь, глас 8

В тебе, мати, известно спасеся еже по образу, / приимши бо Крест, последовала еси Христу, / и деючи учила еси презирати убо плоть, преходит бо, / прилежати же о души, вещи безсмертней, / темже и со Ангелы срадуется, преподобная *(имя)*, дух твой.

Кондак, глас 2

За любовь Господню, преподобная, / покоя желание возненавидела еси, / пощением дух твой просветивши: / крепко бо звери победила еси; / но молитвами твоими / противных шатание разори.

Преподобным женам

Тропарь, глас 2

Истинному желанию уневестившеся, христославнии, / и временнаго обручника отвергшеся совокупления, / и добродетельными подвиги возрастше, / на высоту востекосте нетления, / краснодушнии и многобогатнии, / столпи монашествующих жен и правило, / темже о нас молитве непрестанно, / любовьию вашу память празднующих.

Кондак, глас 2

Телеса своя постом изнузивше, / и неусыпными молитвами моляще Зиждителя о гресех своих; / яко да примете совершенное прощение, / и приясте божественное оставление / и царствие небесное, / молитве Христа Бога о всех нас.

Преподобномученице

Тропарь, глас 4

Агница Твоя, Иисусе, *(имя)* / зовет велиим гласом: / Тебе, Женише мой, люблю, / и, Тебе ищущи, страдальчествоую, / и сраспинаюся, и спогребаюся Крещению Твоему, / и стражду Тебе ради, / яко да царствую в Тебе, / и умираю за Тя, да и живу с Тобою, / но яко жертву непорочную, приими мя, с любовью пожержуюся Тебе. / Тоя молитвами, / яко Милостив, спаси души наша.

Кондак, глас 4

Божественная память твоя, *(имя)*, / днесь возсиявши явися миру яко солнце, / сказующи житие твое: / ты бо воздержанием плотская двизания разорши, / и страдания кровию уневестилася еси Христови. / Темже хвалящая тя избави от всяких зол, да зовем ти: / радуйся, мати преподобная.

Мученику

Тропарь, глас 4

Мученик Твой, Господи, *(имя)*, / во страдании своем венец прият нетленный от Тебе, Бога нашего, / имей бо крепость Твою, / мучителей низложи, / сокруши и демонов немощныя дерзости. / Того молитвами / спаси души наша.

Кондак, глас 2

Звезда светлая явился еси, / непрелестная мирови, / Солнца Христа возвещаючи,
/ зарями Твоими, страстотерпче *(имя)*, / и прелесть погасил еси всю, / нам же подаеши
свет, / моляся непрестанно о всех нас.

Мученице

Тропарь, глас 4

Агница Твоя, Иисусе, *(имя)* / зовет велиим гласом: / Тебе, Женише мой, люблю,
/ и, Тебе ищущи, страдальчествую, / и сраспинаюся, и спогребаюся Крещению Твоему,
/ и стражду Тебе ради, / яко да царствую в Тебе, / и умираю за Тя, да и живу с Тобою, /
но яко жертву непорочную, приими мя, с любовью пожержуюся Тебе. / Тоя молитвами,
/ яко Милостив, спаси души наша.

Кондак, глас 2

Храм Твой всечестный яко цельбу душевную обретше, / вси вернии велегласно
вопием ти, / дево мученице *(имя)*, великоименитая, / Христа Бога моли непрестанно о
всех нас.

Мученикам

Тропарь, глас 4

Мученицы Твои, Господи, / во страданиях своих венцы прияша нетленные от
Тебе, Бога нашего, / имуще бо крепость Твою, / мучителей низложиша, / сокрушиша и
демонов немощныя дерзости. / Тех молитвами / спаси души наша.

Кондак, глас 2

Светильницы светлии явльшися, божественнии мученицы, / тварь всю
светлостью чудес озаряете, / недуги разрешающе и глубокую тьму всегда отгоняюще, /
Христу Богу молящися непрестанно о всех нас.

Мученицам

Тропарь, глас 1

Агницы словесныя Агнцу и Пастырю, / приведостеся мучением ко Христу, /
течение скончавше / и веру соблюдше. / Темже днесь радостною душею совершаем,
досточуднии, святую вашу память, / Христа величающе.

Кондак, глас 4

Страстотерпиц Христовых память празднуем, / и верою просяще помощи /
избавитися всем от всякия скорби, зовуще: / Бог наш с нами, / Иже сих прославивый,
якоже изволи.

Священномученику

Тропарь, глас 4

И нравом причастник, / и престолом наместник апостолом быв, / деяние обрел еси, Богодухновенне, / в видения восход, / сего ради слово истины исправляя, / и веры ради пострадал еси даже до крове, / священномучениче *(имя)*, / моли Христа Бога / спастися душам нашим.

Кондак, глас 4

Во святителех благочестно пожив / и мучения путь прошед, / идольския угасил еси жертвы, / и поборник быв твоему стаду, богомудре. / Темже тя почитающе, тайно вопием ти: / от бед избави ны присно твоими мольбами, / отче наш *(имя)*.

Священномученикам

Тропарь, глас 4

Боже отец наших, / творяй присно с нами по Твоей кротости, / не отстави милость Твою от нас, / но молитвами их / в мире управи живот наш.

Кондак, глас 3

Яко светильницы незаходимии разумнаго солнца, / сошедшеся днесь восхвалим песньми, / возсияли бо есте сущим во тьме неразумия, / всех созывающе к высоте благочестия, священномученицы. / Тем вопием вам: / радуйтесь, постников всех основание.

Исповеднику

Тропарь, глас 8

Православия наставниче, / благочестия учителю и чистоты, / вселенная светильниче, / архиереев Богодухновенное удобрение, / *(имя)* премудре, / ученьми твоими вся просветил еси, / цевнице духовная. / Моли Христа Бога спастися душам нашим.

Кондак, глас 2

Насладився, богомудре, воздержания, / и желанья плотская ты успил еси, / явився верою возвращаемь, / и яко живота древо райское процвел еси, / *(имя)*, отче священный.

Бессребренникам

Тропарь, глас 8

Святии бессребреницы и чудотворцы *(имя)*, / посетите немощи наша: / туне приясте, туне дадите нам.

Кондак, глас 2

Благодать приимше исцелений, / простираете здравие сущим в нуждах, / врачеве, чудотворцы преславнии, / но вашим посещением / ратников дерзости низложите, / мир исцеляюще чудесы.

Христа ради юродивым

Тропарь, глас 1

Глас апостола Твоего Павла услышав, глаголющ, / мы юроди Христа ради, / раб Твой, Христе Боже, *(имя)* / юрод бысть на земли Тебе ради; / темже память его почитающе, / Тебе молим, Господи: / спаси души наша.

Кондак, глас 8

Вышняя красоты желая, / нижняя сласти телесныя тощно оставил еси, / нестяжанием суетнаго мира, Ангельское житие проходя, / скончався, *(имя)* блаженне: / с нимже Христа Бога моли непрестанно о всех нас.

Величания праздникам и святым

Рождество Пресвятой Богородицы

Величаем Тя, / Пресвятая Дево, / и чтим святых твоих родителей, / и всеславное славим // Рождество Твое.

Воздвижение Креста Господня

Величаем Тя, / Живодавче Христе, / и чтим Крест Твой Святый, / имже нас спасл еси // от работы вражия.

Введение во храм Пресвятой Богородицы

Величаем Тя, / Пресвятая Дево, / Богоизбранная Отроковице, / и чтим еже в храм Господень // вхождение Твое.

Рождество Господа Бога и Спаса нашего Иисуса Христа

Величаем Тя, / Живодавче Христе, / нас ради ныне плотию Рождшагося / от Безневестныя // и Пречистыя Девы Марии.

Крещение Господне

Величаем Тя, / Живодавче Христе, / нас ради ныне плотию Крестившагося от Иоанна // в водах Иорданских.

Сретение Господне

Величаем Тя, / Живодавче Христе, / и чтим, Пречистую Матерь Твою, / Еюже по закону ныне // принеслся еси в храм Господень.

Благовещение Пресвятой Богородицы

Архангельский глас вопием Ти, Чистая: / Радуйся, Благодатная, // Господь с Тобою.

Вход Господень во Иерусалим

Величаем Тя, / Живодавче Христе, / Осанна в вышних, / и мы Тебе вопием: // Благословен Грядый во Имя Господне.

Вознесение Господне

Величаем Тя, / Живодавче Христе, / и почитаем Еже на небеса, / с Пречистою Твоею плотию, // Божественное Вознесение.

Пятидесятница (День Святой Троицы)

Величаем Тя, / Живодавче Христе / и чтим Всесвятаго Духа Твоего, / Егоже от Отца, послал еси // Божественным учеником Твоим.

Преображение Господне

Величаем Тя, / Живодавче Христе, / и почитаем Пречистыя Плоти Твоя / преславное // Преображение.

Успение Пресвятой Богородицы

Величаем Тя, / Пренепорочная, / Мати Христа Бога нашего, / и всеславное славим // Успение Твое.

Покров Пресвятой Богородицы

Величаем Тя, / Пресвятая Дево, / и чтим Покров Твой святыи: / Тя бо виде святыи Андрей на воздухе, // за ны Христу молящуюся.

Обрезание Господне

Величаем Тя, Живодавче Христе, / и почитаем пречистыя плоти Твоя / законное обрезание.

Рождество святого славного пророка, Предтечи и Крестителя Господня Иоанна

Величаем тя, / Предтече Спасов Иоанне, / и чтим еже от неплодове / преславное рождество твое.

Святых славных, всехвальных и Первоверховных апостолов Петра и Павла

Величаем вас, апостоли Христовы Петре и Павле, / весь мир ученьми своими просветившия / и вся концы / ко Христу приведшия.

Усекновение главы святого славного пророка, Предтечи и Крестителя Господня Иоанна

Величаем тя, / Крестителю Спасов Иоанне, / и почитаем вси / честныя твоя главы усекновение.

Величание в день памяти икон Божией Матери

Величаем Тя, / Пресвятая Дево, / Богоизбранная Отроковице, / и чтим образ Твой святыи, / имже точиши исцеления // всем с верою притекающим.

Архангелам и Ангелам

Величаем вас, / Архангели и Ангели / и вся воинства, / Херувими и Серафими, // славящия Господа.

Пророку

Величаем тя, / пророче Божий (*имя*), / и чтим святую память твою, / ты бо молиши о нас // Христа Бога нашего.

Апостолу

Величаем тя, / апостоле Христов (*имя*), / и чтим болезни и труды твоя, имиже трудился еси // во благовести Христове.

Апостолам

Величаем вас, / святии апостоли (*имена*), / весь мир ученьми своими просветившия, / и вся концы // ко Христу приведшия.

Святителю

Величаем тя, / святителю отче (*имя*), / и чтим святую память твою, / ты бо молиши о нас // Христа Бога нашего.

Святителям

Величаем вас, / святителие Христовы (*имена*), / и чтим святую память вашу, / вы бо молите за нас // Христа Бога нашего.

Священномученику

Величаем тя, / священномучениче (*имя*), / и чтим святую память твою, / ты бо молиши о нас // Христа Бога нашего.

Священномученикам

Величаем вас, / священномученицы Христовы (*имена*), / и чтим святую память вашу, / вы бо молите за нас // Христа Бога нашего.

Преподобному

Ублажаем тя, / преподобне отче (*имя*), / и чтим святую память твою, / наставниче монахов // и собеседниче Ангелов.

Преподобным

Ублажаем вас, / преподобнии (*имена*), / и чтим святую память вашу, / наставницы монахов // и собеседницы Ангелов.

Преподобномученику

Ублажаем тя, / преподобномучениче (*имя*), / и чтим святую память твою, / наставниче монахов // и собеседниче Ангелов.

Преподобномученикам

Ублажаем вас, / преподобнии мученицы (*имена*), / и чтим святую память вашу, / наставницы монахов, // и собеседницы Ангелов.

Преподобной

Ублажаем тя, / преподобная мати *(имя)*, / и чтим святую память твою, / ты бо молиши о нас // Христа Бога нашего.

Преподобным женам

Ублажаем вас, / преподобнии *(имена)*, / и чтим святую память вашу, / вы бо молитесь за нас // Христа Бога нашего.

Преподобномученице

Величаем тя, / преподобномученице *(имя)*, / и чтим святую память твою, / ты бо молиши за нас // Христа Бога нашего.

Мученику

Величаем тя, / святой мучениче *(имя)*, / и чтим честная страдания твоя, / яже за Христа // претерпел еси.

Мученикам

Величаем вас, / мученицы Христовы *(имена)*, / и чтим честная страдания ваша, / яже за Христа // претерпели есте.

Мученице

Величаем тя, / мученица Христова *(имя)*, / и чтим честное страдание твое, / яже за Христа // претерпела еси.

Мученицам

Величаем вас, / мученицы Христовы *(имена)*, / и чтим честная страдания ваша, / яже за Христа // претерпели есте.

Бессребренникам

Величаем вас, / бессребреницы и чудотворцы Христовы *(имена)*, / и чтим честная страдания ваша, / яже за Христа // претерпели есте.

Христа ради юродивым

Ублажаем тя, / святой праведный *(имя)*, / и чтим святую память твою, / ты бо молиши о нас // Христа Бога нашего.

Библиографический список

1. Молитвы разные // Молитвослов. – СПб., Клин: Издательство свт. Игнатия Брянчанинова, Христианская жизнь, 2014. – 512 с.
2. Николай Сербский, свт. Молитвы миссионера, или Как молиться за неправославных? / пер., сост. и коммент. Ю.В. Максимова. – М.: Православное миссионерское общество имени прп. Серапиона Кожеозерского, 2011. – 32 с.